


BHAKTIVINODA

INSTITUTE

*Continuing to Spread the Message &
Teachings of Bhaktivinoda Thakura*



Distributed by: The Bhaktivinoda Institute

Website: www.bhaktivinodainstitute.org

Title: Tattva Viveka

Published: 1893

Author: Bhaktivinoda Thakura

Description: Śrīla Bhaktivinoda Ṭhākura wrote Tattva Viveka in 1893. This work, comprised of 48 Sanskrit śloka and a detailed Bengali commentary, deals with various philosophies and religions, both eastern and western, and compares them to the precepts of the great Vaiṣṇava ācāryas.

তত্ত্ববিবেক



শ্রীমৎ শ্যামসুন্দর ভট্টাচার্য

তত্ত্ববিবেক

(খণ্ডিত)

নিত্যানীলা-প্রবিষ্ট ও বিষ্ণুপাদ

শ্রীশ্রীমুক্তিবিনোদ ঠাকুর-বিরত

শ্রীগোড়ীয়বৈষ্ণব-সম্প্রদায়িক-সংরক্ষক

ও বিষ্ণুপাদ পরমহংস পরিব্রাজকাচার্য্যাবধ্যা

অষ্টোত্তরশতশ্রী

শ্রীমুক্তিসিদ্ধান্তসরস্বতী

গোশ্রামি-প্রভুপাদ

সম্পাদিত

দ্বিতীয় সংস্করণ

শ্রীধর, শ্রীচৈতন্যাব্দ ৪৪৭

মহামহোপদেশক আচার্য্যত্রিক
শ্রীমৎ কুঞ্জবিহারি-বিদ্যাভূষণ মহোদয়-কর্তৃক
কলিকাতা-শ্রীগৌড়ীয়মঠ হইতে প্রকাশিত

প্রাপ্তিস্থান—
শ্রীগৌড়ীয় মঠ,
বাগবাজার, কলিকাতা।
শ্রীচৈতন্য মঠ,
পোঃ শ্রীমায়াপুর, নদীয়া।

কলিকাতা
২৪৩২, অপার মার্কার রোডস্থ, দি গৌড়ীয় প্রিন্টিং
ওয়ার্ক্‌স্ হইতে শ্রীঅনন্তবাসুদেব বিদ্যাভূষণ বি, এ
কর্তৃক মুদ্রিত

তত্ত্ববিবেক

বা

শ্রীসচ্চিদানন্দানুভূতিঃ

স্মরতি সচ্চিদানন্দরসানুভববিগ্রহঃ।

প্রোচ্যতে সচ্চিদানন্দানুভূতির্গংগ্রসাদতঃ ॥১॥

বাহার প্রসাদে এই সচ্চিদানন্দানুভূতি নামক গ্রন্থ
বিরচিত হইল, সেই সচ্চিদানন্দ-রসানুভব-বিগ্রহরূপ শ্রীকৃষ্ণ-
চৈতন্য জয়যুক্ত হউন ॥ ১ ॥

কোহং বা কিমিদং বিশ্বমাবয়োঃ

কোহং যো ধ্রুবম্।

আত্মানং নিবৃত্তো জীবঃ পৃচ্ছতি জ্ঞানসিদ্ধয়ে ॥২॥

মানবগণ জন্মগ্রহণ করিয়া অনেকদিন পরে সুন্দররূপে
বিষয়-জ্ঞান লাভ করেন। ইন্দ্রিয়সকল যে সমস্ত বাহ্যবস্ত
ও ঐ সমস্ত বস্তুর গুণ উপলব্ধি করে, তাহাদের নাম 'বিষয়'।
বালকগণের ইন্দ্রিয়-সমুদয় যে পরিমাণে পকতা লাভ

করে, বিষয়-গুণসকলও সেই পরিমাণে উপলব্ধ হইতে থাকে। বিষয়গুণসকল যত আশ্বাসিত হয়, উহারা ততই ইন্দ্রিয়গণকে আকর্ষণ করিতে থাকে। মানবগণ ক্রমশঃ এতদূর বিষয়াসক্ত হয় যে, বিষয়চিন্তা ব্যতীত আর তাহাদের কার্য্যান্তর থাকে না। শব্দ, স্পর্শ, রূপ, রস ও গন্ধ—ইহারা চিন্তের অভেদ বন্ধ হইয়া ক্রমশঃ মানবচিত্তকে স্থায়ী দাস্ত্র্যে বরণ করে। মানবগণ সেই সেই বিষয়ে আবিষ্ট হইয়া মুগ্ধ হইয়া পড়ে। জন্ম হইলে অবশ্য মরণ হইবে এবং মরণ হইলে সেই সকল বিষয়ের সহিত আর সম্বন্ধ থাকিবে না, একরূপ বিবেক কদাচ কাহারও উদয় হইয়া থাকে। যে পুরুষের ভাগ্যক্রমে সেইরূপ বিবেক উদ্ভিত হয়, সে সহসা সেই সমস্ত বিষয় হইতে নিবৃত্ত হইয়া জিজ্ঞাসু হইয়া পড়ে। তখন সেই নিবৃত্ত পুরুষ জ্ঞান-সাধনের জন্ত আপনাকে আপনি এই প্রশ্ন তিনটি জিজ্ঞাসা করেন। এই জড় জগতেক ভোক্তা-স্বরূপ আমি কে? এই যে বিপুল বিশ্ব, ইহাই ব্য কি? বিশ্ব ও আমি—আমাদের প্রকৃত সম্বন্ধ কি? ॥ ২ ॥

আত্মা প্রকৃতিবৈচিত্র্যাদ্দদাতি চিত্তমুত্তরম্ ।

স্বস্বরূপস্থিতো জ্ঞানাদ্দদাতি মুক্তমুত্তরম্ ॥৩॥

নিবৃত্ত পুরুষ এইরূপ প্রশ্ন করিলে আত্মা সেই প্রশ্নত্রয়ের উত্তর করিয়া থাকেন। আত্মা এই প্রশ্নত্রয়ের যে উত্তর করেন, তাহাই সংগৃহীত হইয়া বিজ্ঞান-শাস্ত্র বা তত্ত্বশাস্ত্র

বলিয়া প্রচারিত হয়। অসম্মদেশে সিদ্ধজ্ঞানস্বরূপ বেদসম্বত বেদান্তশাস্ত্র ও তদানুগত্য স্বীকার করিয়াও বেদার্থ-বিপরীত মতপ্রকাশক জায়, সাংখ্য, পাণ্ডুল, বৈশেষিক ও কৰ্ম্ম-মীমাংসারূপ শাস্ত্রনিচয়, তথা বেদবিরুদ্ধ বৌদ্ধমত, চার্বাকমত ইত্যাদি নানামত প্রকাশিত হইয়াছে। চীন, গ্রীস, পারস্য, ফ্রান্স, ইংলণ্ড, জার্মেনি ও ইটালী প্রভৃতি দেশে জড়বাদ (Materialism) স্থিরবাদ (Positivism), নিরীশ্বর কৰ্ম্মবাদ (Secularism), নিরীক্ষণসুখবাদ (Pessimism), সন্দেহবাদ (Scepticism), অদ্বৈতবাদ (Pantheism), নাস্তিক্যবাদ (Atheism)-রূপ নানা-প্রকার বাদ প্রচারিত হইয়াছে। যুক্তিধারা ঈশ্বর সংস্থাপন পূর্বক কতকগুলি মত প্রাচুর্য হইয়াছে। প্রদ্বালু হইয়া ঈশোপাসনা কর্তব্য—একরূপ একটী মতও জগতে অনেক স্থানে প্রচারিত হইয়াছে। ঐ মতটী কোন কোন স্থলে কেবল শ্রদ্ধামূলক বলিয়া প্রতিষ্ঠিত হয়; কোন কোন দেশে পরমেশ্বরদত্ত ধর্ম বলিয়া প্রচারিত হইতে থাকে। যেখানে উহা কেবলমাত্র শ্রদ্ধামূলক, সেখানে উহার ঈশানু-গতিবাদ (Theism) বলিয়া সংজ্ঞা হয়। যেখানে ঈশ্বরদত্ত বলিয়া উহা প্রতিষ্ঠিত, সেখানে ঈশ্বরদত্ত শাস্ত্রমত অর্থাৎ খ্রীষ্টান (Christianity), মুসলমান (Meho-medanism) ইত্যাদি নামে বিখ্যাত হইয়া পড়ে। বস্তুতঃ আত্মা পূর্বোক্ত প্রশ্নত্রয়ের যে উত্তর করেন, তাহা দুইপ্রকার

অর্থাৎ স্বরূপ উত্তর ও বিচিত্র উত্তর। এখানে একরূপ জিজ্ঞাসা হইতে পারে যে, আত্মা যখন সর্বত্র একজাতীয় তত্ত্ব, তখন তিনি সর্বত্র একই প্রকার উত্তর কেন না প্রদান করেন? এ প্রশ্নের উত্তর এই যে, আত্মা বাস্তবিক বিশুদ্ধ চিৎস্বরূপ। স্বরূপে অবস্থিত হইয়া উত্তর প্রদান করিলে সে উত্তর সর্বত্র একই প্রকার হয়। কিন্তু যে জগতে আপাততঃ আত্মা অবস্থিত করিতেছেন, সে জগৎ তাঁহার সিদ্ধ আবাস নহে। ইহা প্রাকৃত অর্থাৎ মায়া-প্রকৃতিপ্রসূত। পরমতত্ত্বের যে পরাশক্তি, তাঁহার আত্মা-রূপা মায়াশক্তিই এই জগতের প্রসবিত্রী। জীবাত্মা এই জগতে অবস্থিত হইয়া মায়া বিচিত্র ধর্মকে 'স্বধর্ম' বলিয়া গ্রহণ করার নিসর্গবশতঃ তাঁহার স্বভাব সঙ্কোচিত হইয়া মায়াগুণমিশ্রিত একটি ঔপাধিক ধর্ম প্রবল হইয়াছে। চিৎস্বরূপ জীব মায়িক ধর্মে মিশ্রভাব প্রাপ্ত হইয়া চিদগত বৃত্তিসকলকে ঔপাধিকভাবে পরিচালন করেন। চিদগত জ্ঞানবৃত্তি জড়সঙ্গক্রমে চিহ্নজড়মিশ্র মনরূপে পরিণত হয়। অতএব মন মায়াবৈচিত্র্যে অবলম্বনপূর্বক আত্মাভিমাত্রী হইয়া যে সকল উত্তর প্রদান করে, তাহা নিসর্গতঃ বিচিত্র অর্থাৎ অনেক প্রকার। আত্মা জগতের যে প্রদেশে বাদ করেন, সেই প্রদেশের যে সংসর্গজনিত ব্যবহার, আচার, পরিচ্ছদ, আহারাদি, ভাষা ও চিন্তাপ্রণালী, তদনুযায়ী প্রশ্নোত্তর প্রদত্ত হয়। অতএব দেশ, কাল ও

পাত্রভেদে প্রকৃতি-বিচিত্রতা সর্বত্রই পরিলক্ষিত হয়। আদৌ আত্মার জড়সঙ্গক্রমে একটা মিশ্রভাবগত চিত্রতা। দ্বিতীয়তঃ, ভিন্ন ভিন্ন দেশগত, ভাষাগত ও জাতিগত নানাবিধ চিত্রতা লক্ষিত হয়। যিনি সর্বদেশ পরিভ্রমণ-পূর্বক, সর্বদেশ-ভাষা শিক্ষা করিয়া সর্বদেশের ইতিহাস আলোচনা করিতে সক্ষম, তিনিই মাত্র এই বিচিত্র মত-সমূহের সম্যক বিচার করিতে পারেন। আমরা এই তত্ত্বের দিগ্दर्শন করিয়া নিবৃত্ত হইতে বাধ্য হইলাম। আত্মা যে দুই প্রকার উত্তর দেন, তন্মধ্যে যুক্ত উত্তরই প্রকৃত। চিত্র উত্তর বহুবিধ হইলেও বিজ্ঞান-দৃষ্টি দ্বারা তাহা দুইভাগে বিভক্ত হয়। প্রথম ভাগের নাম 'জ্ঞান', দ্বিতীয়ভাগের নাম 'কর্ম'। এ স্থলে একটা পূর্বপক্ষ হইতে পারে। যখন প্রকৃত উত্তরকে 'যুক্ত উত্তর' বলা হইল, তখন যুক্তিকে প্রকৃত প্রস্তাবে অধিক সম্মান করা হইল। যুক্তি কি প্রকৃতিবৈচিত্র্য স্বীকার করে না? আমাদের উত্তর এই যে, বাক্যসমূহই প্রকৃতি-বৈচিত্র্যানুগত, অপ্রাকৃত বিষয়ে তাহারা স্বাধীন নহে। অতএব আমরা যে 'যুক্তি' ও 'যুক্ত'-শব্দ ব্যবহার করিলাম, তাহা শুদ্ধ চিদগত সদসত্ত্বৈকিক বৃত্তি বিশেষ। সেই বৃত্তিই জড়সঙ্গক্রমে জড়প্রণী যুক্তিরূপে চিত্রমত প্রকাশ করে। স্বরূপা-বস্থিতক্রমে তাহা যুক্ত উত্তর প্রদান করে। চিত্র উত্তর-মধ্যে যে দুইটা বৈজ্ঞানিক বিভাগ দৃষ্ট হয়, তন্মধ্যে

যাহাকে জ্ঞান বলা গেল, তাহা জড়সঙ্গত আত্মার সদ-
সত্ত্বদক দর্শনবৃত্তি অবয়্বরূপে জড়ধর্মপোষক জড়ের
অনাদিত্ব ও সর্বমূলত্ব-স্থাপক অথবা বাতিরেকরূপে জড়-
স্বান্বনাশক নিঃশক্তি ব্রহ্মবাদস্থাপক বিকারবিশেষ।
যাহাকে 'কর্ম' বলা গেল, তাহা জড়সঙ্গত আত্মার
নিরীশ্বর জড়ানুশীলনরূপ কাৰ্য্যবিশেষ। আত্মার চিপ্ণত
তাবানুশীলন ও চেষ্টানুশীলনরূপ যে শুদ্ধ জ্ঞান-কর্ম, তাহা
যুক্ত-উত্তরগত ভক্তিপ্রসঙ্গে বিচারিত হইবে। বাক্যের
স্বাভাবিক জড়তাবশতঃ বিশুদ্ধ চিত্তত্বের প্রকাশক নিঃসন্দেহ
বাক্য ব্যবহার-পক্ষে সুবিধা হয় না ॥ ৩ ॥

চিত্রং বহুবিধং বিদ্ধি যুক্তমেকং স্বরূপতঃ ।

চিত্রমাদৌ তথা চান্তে যুক্তমেব বিবিচ্যতে ॥ ৪ ॥

চিত্রমত বহুবিধ। যুক্তমত স্বরূপতঃ একই প্রকার।
আমরা প্রথমে চিত্রমতসমূহের দিগদর্শন পূর্বক শেষে
যুক্তমত বিচার করিব ॥ ৪ ॥

আত্মাথবা জড়ং সর্বং স্বভাবাচ্ছি প্রবর্ততে ।

স্বভাবো বিজ্ঞতে নিত্যদীশজ্ঞানাং নিরর্থকম্ ॥ ৫ ॥

সর্বথা চেশ্বরাসিদ্ধিরীশকর্তা প্রয়োজনাৎ ।

পরলোককথা মিথ্যা ধূর্তানাং কল্পনেরিতা ॥ ৬ ॥

সংযোগাজ্জড়তত্ত্বানামাত্মা চৈতন্ত্যসংজিতঃ ।

প্রাচুর্ত্ববতি ধর্মোহয়ং নিহিতো জড়বস্তনি ॥ ৭ ॥

বিরোগাৎ স পুনস্তত্র গচ্ছত্যেব ন সংশয়ঃ ।

ন তন্ত পুনরাবৃত্তিন মুক্তির্জ্ঞানলক্ষণা ॥ ৮ ॥

চিত্রমতসমূহের মধ্যে স্বভাব বা জড়বাদই অধিক
ব্যাপিত হইয়াছে। অবাস্তর ভেদক্রমে এই মত-দুই
প্রকার অর্থাৎ (১) জড়ানন্দবাদ, (২) জড়নির্কাণবাদ।
এই দুইপ্রকার মতের বিশেষরূপ বিচার পরে করিব।
প্রথমে জড়বাদ সামাগ্রতঃ কি, তাহা প্রদর্শিত হইবে।
সর্বপ্রকার জড়বাদেইহা সিদ্ধান্তিত হইয়াছে যে, আত্মাই
হউক বা জড়ই হউক, সমস্তই জড়প্রকৃতি হইতে নিঃসৃত।
জড়ের পূর্বে চৈতন্ত ছিল না। ঈশজ্ঞান নিতান্ত নিরর্থক।
জড়াপ্রকৃতিই—নিত্যা। 'ঈশ্বর' বলিয়া কোন ব্যক্তি বা
তত্ত্ব কল্পনা করিতে হইলে ঈশ্বরের ঈশ্বর অনুসন্ধান
করিতে হয়। অতএব ঈশ্বর সর্বথাই অসিদ্ধ। দেশ-
বিদেশে যত ধর্মপুস্তকে ঈশ্বর-সম্বন্ধে যে-সকল আখ্যায়িকা
লিখিত হইয়াছে এবং জীবের পারলৌকিক অবস্থা বর্ণিত
হইয়াছে, সে সমুদয় ধূর্তগণের কল্পনামাত্র, কিছুই
বাস্তবিক নহে। যাহাকে 'আত্মা' বা 'চৈতন্ত' বলিয়া বলি,
তাহা জড়ের নিহিত ধর্মবিশেষ, জড়তত্ত্বগণের অনুলোম-
বিলোম-সংযোগ দ্বারা প্রাচুর্ত্ব হইয়া থাকে। পুনরায়
উক্ত সংযোগ ভঙ্গ হইলে ঐ ধর্ম যথা হইতে উদ্ধৃত
হইয়াছিল, তথায় লয় পায় অর্থাৎ পুনরায় জড়বস্ততে
নিহিত হইয়া অবস্থিতি করে। জন্মজন্মান্তররূপ পুনরাবৃত্তি

আত্মার পক্ষে অসম্ভব; আর ব্রহ্মজ্ঞান-লক্ষণ যে এক প্রকার আত্মার জড়মুক্তি কথিত আছে, তাহা অসম্ভব; বেহেতু, বস্তু হইতে বস্তুধর্ম পৃথক থাকিতে পারে না। অতএব জড়ই—বস্তু, আর সমস্তই তাহার ধর্ম। সকল নাস্তিকেরাই এই সকল মত স্বীকার করেন। তন্মধ্যে এক শ্রেণী জড়গত সাক্ষাৎ স্মৃতিকেই 'প্রয়োজন' বলিয়া স্থির করেন, অপর শ্রেণী জড়স্মৃতিতে ক্ষণিক ও নিতান্ত অকিঞ্চিৎকর জানিয়া নির্বাণসুখের অমুসন্ধান করিয়া থাকেন।

প্রথমে আমরা জড়ানন্দীদিগের মতের বিচার করিব। জড়ানন্দবাদীরা দুই প্রকার অর্থাৎ (১) স্বার্থজড়ানন্দবাদী ও (২) নিঃস্বার্থজড়ানন্দবাদী।

স্বার্থজড়ানন্দবাদীরা এই স্থির করেন যে, যখন ঈশ্বর, আত্মা, পরলোক ও কর্মফল নাই, তখন কিয়ৎপরিমাণে ঐহিক কর্মফল হইতে সাবধান হইয়া আমরা অনবরত ইন্দ্রিয়সুখে কাল যাপন করিব। পারমার্থিক চেষ্টায় নিরর্থক কাল ক্ষেপণ করিবার প্রয়োজন নাই—সঙ্গ ও কর্মদোষে এই প্রকার বিশ্বাস মানব-সমাজে প্রাচীনকাল হইতে চলিয়া আসিতেছে। একরূপ মতটী কুত্রাপি সমাজনিষ্ঠ হইতে দেখা যায় নাই। যে দেশে উদ্ভূত হইয়াছে, সেই দেশে সেই ব্যক্তিকে আশ্রয় করিয়া তৎকর্তৃক লিপিবদ্ধ হইয়াছে। ভারতবর্ষে চার্লস ব্রাঙ্কন, চীনদেশের নাস্তিক ইয়াংচু

(Yangchoo), গ্রীকদেশে নাস্তিক লুসিপস্ (Leucippus), মধ্য এশিয়াখণ্ডে সর্ডেনাপেলাস (Sardanapulus), রোমদেশে লুক্রেতিয়াস্ (Lucretius), এইরূপ অসংখ্য অনেক দেশে অনেকেই এই মতের পুষ্টিজনক গ্রন্থ রচনা করিয়াছেন। ভান হলবাক (Von Holbach) বলিয়াছেন যে, নিজ নিজ স্মৃতিবদ্ধক ধর্মই মাননীয়। পরের স্মৃতির দ্বারা আপনাকে স্মৃতি করিবার কৌশলকে ধর্ম থালা যায়।

অধুনা তন যে সকল লোকেরা জড়ানন্দবাদ স্বীকার করতঃ গ্রন্থ প্রণয়ন করিয়াছেন, তাঁহারা জনগণের শ্রদ্ধা সংগ্রহ-করণাভিপ্রায়ে একপ্রকার নিঃস্বার্থ-জড়ানন্দবাদ প্রচার করিয়াছেন। ভারতবর্ষীয় নিরীশ্বরকর্মবাদ বোধ হয় সর্বপ্রাচীন। পাণ্ডিত্য-পরিচালনা দ্বারা ঐ মতের পোষক মীমাংসকেরা সর্বার্থ্য-সম্মত বেদশাস্ত্রের অর্থ বিকৃত করিয়া আদৌ "চোদনালক্ষণে ধর্মঃ" ইত্যাদি বাক্য দ্বারা পরিশেষে এক জাতীয় 'অপূর্ণ'কে ঈশ্বরস্থানীয় বলিয়া স্থির করিয়াছেন। গ্রীস দেশের ডিমক্রাইটস নামক পণ্ডিত এই মতের মূল তদ্বদেশে স্থাপিত করেন। তিনি বলেন, দ্রব্য ও শূন্য ইহারা নিত্য। শূন্যে দ্রব্য-সংযোগে সৃষ্টি ও দ্রব্যবিয়োগে প্রলয় বা নাশ হয়। দ্রব্যসকল পরিমাণভেদে ভিন্ন। জাতিভেদরূপ কোন বিশেষ নাই। জ্ঞান কেবল বাহ্য-বস্তুসমূহের ও আন্তরবস্তুসমূহের সংযোগজনিত ভাববিশেষ।

তঁাহার মতে দ্রব্যসকল—পরমাণু। অল্পদেশের কণাদ-প্রচারিত বৈশেষিকমতে পরমাণুর জাতিগত বিশেষ নিত্য বলিয়া স্বীকৃত হওয়ায় ডিমক্রাইটসের পরমাণুবাদ হইতে হইতে কএক বিষয়ে বৈশেষিক মতের ভিন্নতা দৃষ্ট হয়। বৈশেষিকমতে আত্মা ও পরমাত্মা নিত্যবস্তু মধ্যে পরিগণিত। গ্রীকদেশীয় প্লেটো (Plato) ও আরিস্টটল (Aristotle) পরমেশ্বরকে একমাত্র নিত্যবস্তু ও সমস্ত জগতের একমাত্র মূল বলিয়া স্বীকার করেন নাই। তাহাতে কণাদমতস্থ দোষসমূহই ঐ সকল পণ্ডিতদিগের মতে লক্ষিত হয়। গেসেন্ডী (Gassendi) পরমাণুবাদ স্বীকার করতঃ পরমেশ্বরকে পরমাণুগণের সৃষ্টিকর্তা বলিয়া সিদ্ধান্ত করিয়াছেন। ফ্রান্সদেশে ডিডেরো (Diderot) ও লামেট্রি (Lamettrie), ইঁহারা নিঃস্বার্থজ্ঞানবাদ প্রচার করিয়াছেন। নিঃস্বার্থজ্ঞানবাদ ক্রমশঃ উন্নত হইয়া ফ্রান্সদেশের কম্টি (Comte) নামক একজন বিচারকের গ্রন্থে সম্পূর্ণতা লাভ করিয়াছে। কম্টি ১৭৯৫ খৃষ্টাব্দে জন্মগ্রহণ করিয়া ১৮৫৭ সালে পঞ্চম লাভ করেন। তাঁহার অবিপ্লব মতটিকে তিনি ‘স্থিরবাদ’ (Positivism) নামে সংজ্ঞিত করেন। নামটা নিত্যস্ত অমূলক, যেহেতু তাঁহার মতে জড়ীয় প্রতীতি ও জড়গত বিধি ব্যতীত আমরা আর কিছু অবগত নই। ইন্দ্রিয় ব্যতীত আমাদের আর কোন জ্ঞান-ধার নাই। মানসপ্রতীতি সমুদয়ই জড়প্রতীতি-

বিশেষ। অবশেষ কারণ বলিয়া কাহাকেও স্থির করা যায় না। জগতের প্রারম্ভ বা প্রয়োজন কিছুই জানা যায় না। জগৎকর্তারূপ কোন চৈতন্তের লক্ষণ লক্ষিত হয় না। মানস-প্রতীতি-সমূহ যথাযথ পরস্পরের সম্বন্ধ, ফল, সৌন্দর্য ও বিসদৃশতা অনুসারে সজ্জিত করিয়া রাখা উচিত। কোন অপ্রাকৃত ভাব তাহাতে সংলগ্ন করা উচিত নয়। ঈশ্বর-চিন্তাকে চিন্তার শৈশব, দার্শনিক চিন্তাকে চিন্তার বালাকাল এবং নিশ্চর্যাজ্ঞতা চিন্তাকে চিন্তার পরিপক্ব-কাল বলিয়া স্থির করা উচিত। হিতাহিত-বিচারের অনুগতরূপে সমস্ত বৃত্তির পরিচালনা করা কর্তব্য। তাঁহার মতে মানবসকল পরোপকারপর হইয়া নিঃস্বার্থ-ধর্মাচরণ করিবে। তাঁহার ধর্ম এই যে, অন্তঃকরণ-বৃত্তির আলোচনাক্রমে ঐ বৃত্তির পুষ্টি করা মানবের কর্তব্য। তাহা পুষ্ট করিতে হইলে কাল্পনিক একটা বিষয় অবলম্বন পূর্বক একটা জীমূর্তির পূজা করা কর্তব্য। বিষয়টা মিথ্যা হইলেও প্রবৃত্তির চরিতার্থতা লাভ হয়। পৃথিবী তাঁহার মহতত্ত্ব (Supreme Fetich); দেশই তাঁহার কাব্যধার (Supreme Medium), মানব-প্রকৃতিই তাঁহার প্রধান সত্ত্বা (Snpreme Being)। হস্তে শিশু—এরূপ একটা জীমূর্তিতে প্রাতে, মধ্যাহ্নে ও সন্ধ্যায় সময় পূজা করিবে। নিজ জননী, পত্নী ও কন্যাকে একত্রে ভূত, বর্তমান ও ভবিষ্যনিষ্ট চিন্তাদ্বারা কাল্পনিক উপাসনা করিবে। এইরূপ ধর্মাচরণ-কার্যের কোন

১২

তত্ত্ববিবেক

ফলানুসন্ধান করিবে না। ইংলণ্ড-দেশের পণ্ডিত মিল (Mill) জড়বাদকে 'ভাববাদ'রূপে বিচার করতঃ অবশেষে অনেক বিষয়ে কন্ট্রি সহিত ঐক্যরূপে নিঃস্বার্থ-জড়ানন্দ-বাদেরই পুষ্টি করিয়াছেন। এক প্রকার নিরীশ্বর-সংসার-বাদ (Secularism) আপাততঃ ইংলণ্ডের অনেক যুবকের চিত্ত আকর্ষণ করিয়াছে। মিল, লুইস (Lewis), পেন (Paine), কারলাইল (Carlyle), বেন্থাম (Bentham) কোম (Combe), প্রভৃতি তार्কিকেরাই ঐ মতের প্রবর্তক। ঐ মত দুইভাগে বিভক্ত হইয়াছে। হলিয়ক (Holyoake) এক বিভাগের কর্তাবিশেষ। তিনি অনুগ্রহপূর্বক কিয়ৎপরিমাণে ঈশ্বরকে স্বীকার করিয়াছেন। অপর বিভাগের কর্তা ব্রাড্লা (Bradlaugh) সম্পূর্ণ নাস্তিক।

স্বার্থজড়ানন্দ ও নিঃস্বার্থজড়ানন্দে কিয়ৎপরিমাণে ভেদ থাকিলেও উভয়েই জড়বাদ। পূর্বোক্ত ব্যক্তিগণের মত-সকল যতই গভীররূপে আলোচনা করা যায়, ততই জড়বাদের নৈরর্থক্য প্রকাশ হইয়া পড়ে। বিশুদ্ধ চিন্তাত যুক্তি ত' ঐসকল অমূলক মতকে দৃষ্টিমাত্রে তুচ্ছ বলিয়া পরিত্যাগ করে। জড়গত যুক্তিও যখন নিরপেক্ষ হইয়া নিচাের করে, তখন ঐ সকল মতকে 'অযুক্ত' বলিয়া পরিত্যাগ করিয়া থাকে, যথা—

১। জড়বাদীরা তত্ত্বের লাঘবকে বৈজ্ঞানিক বলিয়া সমস্ত বস্তুকে একত্রে প্রদান করিবার অভিপ্রায়ে জড়কে

সর্বমূল বলিয়া অধৈতসাধনে প্রযুক্ত হয়। এটা অত্যন্ত ভ্রমজনক। যেহেতু জড়কে সর্বমূল বলিলে অনেক পরমাণুর নিত্য সত্তা, শূন্যের নিত্য সত্তা, শূন্য ও ভ্রবের অচিন্ত্য সম্বন্ধ, পরমাণুগত শক্তি, গুণ ও ক্রিয়া—এই সকল তত্ত্বকে অনাদি বলিয়া মানিতে হইবে, নতুবা জগৎ সৃষ্টি কোন প্রকারেই সিদ্ধ হইতে পারে না। ইহাতে তত্ত্বসংখ্যার লাঘব হওয়া দূরে থাকুক, তাহা অনন্ত হইয়া পড়ে। কাল যে কি, তাহাও বুঝিতে পারা যায় না। এবন্নিধ লাঘব-করণ-চেষ্টাকে বালচেষ্টা বলিলেও অত্যাুক্তি হয় না।

২। জড়বাদ সম্পূর্ণরূপে অস্বাভাবিক ও অবৈজ্ঞানিক। অস্বাভাবিক, যেহেতু স্বভাব স্বীয় কারণপ্রতি সচেষ্ট। তখন চৈতন্যকে অস্বীকারপূর্বক জড় স্বভাবকে নিত্য বলা নিতান্ত অযুক্ত। কার্য-কারণই স্থূলজগতের স্বভাব। তাহা রহিত হইলে জড়জগতের স্বভাব রহিত হয়। অবৈজ্ঞানিক, যেহেতু চৈতন্যই জড়কে অধিকার করিতে সমর্থ। চৈতন্যকে জড়গুণ বলিয়া গুণকে বস্তুকর্তা বলা নিতান্ত বিজ্ঞান-বিরুদ্ধ।

৩। চৈতন্য স্বাভাবিক উচ্চ ও শ্রেষ্ঠ। তাহাকে জড়াধীন করা কেবল মুর্থতার ব্যবহার মাত্র। অধ্যাপক ফেরিস্ (Prof Ferris) এ বিষয়টা বিশদরূপে বিচার করিয়াছেন।

৪। জড়কে নিত্য বলিবার প্রমাণ কি? অধ্যাপক টিণ্ডাল (Prof. Tyndall) নিশ্চয়রূপে স্থির করিয়াছেন

যে, জড়ের নিত্যতা প্রমাণ হয় না। কোন ব্যক্তি অনাদি-কাল হইতে বর্তমান হইয়া, অনন্তকাল পর্য্যন্ত পরীক্ষা করিয়া যদি জড়কে নিত্য বলিয়া স্থির করেন, তবুও তাহা বিশ্বাস করা যায় না। প্রমাণাভাবে জড়ের নিত্যতা বিশ্বাস করা যাইতে পারে না।

৫। বুকনার (Buchner) ও মোলস্কট (Molescott) বলিয়াছেন যে, জড়—নিত্য। ইহা কেবল স্বকপোলকল্পিত সিদ্ধান্ত মাত্র। কালক্রমে যদি জড় নষ্ট হয়, তবে এরূপ সিদ্ধান্ত মিথ্যা হইবে।

৬। কম্‌টা (Comte) লিখিয়াছেন ;—জগতের আদি-অন্ত অহুসন্ধান করা কর্তব্য নয়, ইহা কেবল বাল-পরামর্শ মাত্র। যেহেতু জীব চৈতন্ত্যবিশিষ্ট তত্ত্ববিশেষ। তিনি এরূপ পরামর্শে স্বাভাবিক অহুসন্ধানবৃত্তিকে জলাঞ্জলি দিতে পারেন না। কাৰ্য্যকারণাহুসন্ধান-বৃত্তিই সমস্ত বিজ্ঞানের জননী। কম্‌টার মতে চলিলে অল্পদিনের মধ্যেই মানব-বুদ্ধির লোপ হইবে সন্দেহ মাই। মানবগণ জড় হইয়া যাইবে।

৭। জড়-সংযোগে মানব-চৈতন্ত্যের উদয় হওয়া যে পর্য্যন্ত প্রত্যক্ষ না হয়, সে পর্য্যন্ত তাহা বিশ্বাস করা নির্কোষ লোকের কাৰ্য্য। প্রায় তিন সহস্র বৎসরের ইতিহাস আমাদের হস্তে আসিয়াছে এ পর্য্যন্ত কেহই কোন স্বল্প মানব দর্শন করেন নাই। যদি জড়-সংযোগে

অথবা ক্রোধোন্নতিক্রমে মানবের উৎপত্তি সম্ভব হইত, তাহা হইলে অবশ্য তিন হাজার বৎসরের মধ্যে একটাও মানব সেইরূপে প্রাহুত হইয়া থাকিত।

৮। মানব, পশু ও বৃক্ষাদির বৃত্তিসমূহ যেরূপ সামঞ্জস্য ও সৌন্দর্য্যসহকারে গুস্ত হইয়াছে এবং ঐসকল বৃত্তির বিষয়-সকল যেরূপ নিয়মিত ও ব্যবস্থাপিত হইয়াছে, তাহাতে কোন পরম চৈতন্ত্যের কর্তৃত্ব লক্ষিত হয়। চৈতন্ত্য কারণরূপে স্থিত হইলে জড়বাদ সম্পূর্ণরূপে বিনষ্ট হয়।

এবস্থিধ নানাপ্রকার যুক্তিধারা জড়বাদ নিরস্ত হয়। নিত্যস্ত হ্রভাগা মানবগণই জড়বাদ স্বীকার করে। তাহাদের চিংস্বথ মাই। আশা ভরসা নিত্যস্ত অল্প। জড় নির্মাণবাদ সম্বন্ধে বিচার যথাস্থানে পরে প্রদর্শিত হইবে ॥ ৪-৮ ॥

কর্তব্যে লৌকিকো ধর্ম্মঃ পাপানাং বিরতিৰ্যতঃ ।
বিদ্বস্তিলক্ষিতো নিত্যো স্বভাববিহিতো বিধিঃ ॥
পুঙ্খানুপুঙ্খরূপেণ জিজ্ঞাস্তো স সুখাপ্তয়ে ।

জীবনে যৎ সুখং তত্তু জীবনশ্চ প্রয়োজনম্ ॥ ১০ ॥

জীবনে যৎ কৃতং কর্ম্ম জীবনাশ্চে তদেব হি ।

জগতামন্যজীবানাং সম্বন্ধে ফলদং ভবেৎ ॥ ১১ ॥

ন কর্ম্ম নাশমায়াতি যদা বা যেন বা কৃতম্ ।

অপূর্ব্বশক্তিরূপেণ কুরুতে সৰ্ব্বমুন্নতম্ ॥ ১২ ॥

জড়বাদিদিগের লৌকিক আচরণ সম্প্রতি আলোচিত হইবে। তাহারা বলেন যে, যদিও ঈশ্বর নাই, আত্মা নাই,

ও পরলোক নাই, তাহাপি মানবগণের ধর্মাচরণ করা প্রয়োজন। সাধারণের সুখ যে কার্য দ্বারা সাধিত হয়, তাহাকে 'পুণ্য' ও সাধারণের অমঙ্গল যদ্বারা আশঙ্ক্য করা যায়, তাহাকে 'পাপ' বলা যায়। স্বার্থসুখ নিঃস্বার্থসুখের অনুগত থাকাই প্রয়োজন। অতএব নৈতিক ধর্ম অবশ্য পালনীয়। ধর্মাচরণ করিলে পাপ ও তৎফল যে ক্লেশ, তাহা দূর হইবে। স্বভাব সর্বত্র বিধিময়, অতএব স্বভাবজাত সংসারও বিধিময়। সেই সকল সংসার-বাত্মা-নির্কীর্ষী বিধি পণ্ডিতগণের অনুসন্ধান করা প্রয়োজন। জীবনের যে ধর্মসুখ, তাহাই জীবনের প্রয়োজন-তত্ত্ব। সেই সুখপ্রাপ্তির জন্ত সর্বদাই পুঙ্খানুপুঙ্খরূপে স্বভাববিহিত সাংসারিক বিধির অনুসন্ধান ও পালন করা কর্তব্য। যদি বল, মৃত্যুর পর আর আমার অবস্থিতি নাই, তখন নিছকের অসীম সুখ পরিত্যাগ পূর্বক কেনই বা ধর্মাচরণ করিব? তাহার উত্তর এই যে, তোমার জীবনে যে সকল কর্ম অহস্তিত হয়, তাহা তোমার পঞ্চত্বপ্রাপ্তি হইলেও ফলপ্রদানে অযোগ্য নয়। যেহেতু ঐ সকল কর্ম তোমার জীবনান্তেও জগতের অন্তান্ত জীবসম্বন্ধে ফলপ্রদ হইবে। ভূমি বিবাহ করিয়া সন্তানাদি উৎপাদন পূর্বক যদি তাহা-দিগকে বিদ্যা ও ধর্ম শিক্ষা দাও, তাহা হইলে তোমার কর্মফল তাহারা ও অন্তান্ত লোকসকল অবশ্যই ভোগ করিবে। ভূমি ধনোপার্জন করিয়া যদি বিদ্যালয়, পাঠ-

নিবাস, পথ ও ঘাটাদি প্রস্তুত কর, তবে বহুকাল অল্প জীব-সকল তোমার কর্মফল ভোগ করিবে। যদি বল যে, কর্মফলও শীঘ্র বিনষ্ট হইবে, তাহার উত্তর এই যে, যিনি যখন যে কর্ম করুন না কেন, সে কর্ম কদাপি নাশ হয় না। কর্ম পরিপাক হইয়া একটা অপূর্ণ শক্তির উদয় করে। সেই শক্তি ভবিষ্যৎ কর্মদ্বারা পুষ্ট হইয়া এই অনন্ত জগৎকে উন্নত করিতে থাকে। অতএব কর্ম দ্বারা তোমার নিঃস্বার্থ লাভ হইতেছে।

জড়বাদিগণ যে ধর্মের উপদেশ করিয়াছেন, তাহা ভিত্তিবিহীন গৃহের ত্রায় পতনশীল। যে ধর্মে পরলোকের আশা বা ভয় নাই, সে ধর্ম কখনই প্রতিপালিত হইবে না। স্বার্থজড়ানন্দবাদিগণ কেবল নাম দ্বারা ধরা পড়িয়াছেন; কিন্তু বস্তুতঃ নিঃস্বার্থজড়ানন্দবাদীরাও স্বার্থবাদী। আদৌ নিঃস্বার্থবাদের স্থিতি অসম্ভব। মিরাবৌর (Mirabond) নামে ভন হলবাঙ্ক (Von Holbach) যে 'সিস্টেম অব্ নেচার' (System of Nature) নামক গ্রন্থ ১৭৭০ খ্রীষ্টাব্দে প্রচার করেন, সেই গ্রন্থে তিনি বিশেষ বিচারের সহিত লিখিয়াছেন—“জগতে নিঃস্বার্থপরতাই নাই! পরের সুখের দ্বারা আপনাকে সুখী করিবার কৌশলকেই 'ধর্ম' বলা।” আমরাও দেখিতেছি, নিঃস্বার্থপরতা একটা আকাশকুসুমের ত্রায় নিরর্থক বাক্যবিশেষ। নিঃস্বার্থপরতার প্রয়োজন এই যে, অক্লেপে নিজস্ব সাধিত হয়।

‘নিঃস্বার্থ’ শব্দ শুনিলে, অল্প স্বার্থপ্রিয়লোক তাহাতে শ্রদ্ধা করিলে আমার প্রিয়সাধনসহজে হইয়া উঠিবে। মাতৃস্নেহ, ভ্রাতৃত্বাব, বন্ধুত্ব ও স্ত্রীপুরুষের প্রীতি কি নিঃস্বার্থপর যদি সকল কার্যে নিজানন্দ না থাকিত, তাহা হইলে কেহই তাহা করিত না। কোন কোন ব্যক্তি আত্মানন্দ ল্যভের জন্য নিজ জীবন পর্য্যন্ত বিসর্জন করে। সমস্ত ধর্ম্মসুখই—স্বার্থ। ভগবৎপ্রীতিও—স্বার্থ। যাহা স্বাভাবিক, তাহাই স্বার্থ, যেহেতু ‘স্বভাব’ শব্দে স্বীয় অর্থে বৃদ্ধি। স্বার্থই স্বভাব। নিঃস্বার্থ নিঃশাস্ত অস্বাভাবিক; অতএব কখনই লক্ষিত হয় না। মানবজীবন যদি কোন ভবিষ্যৎ জীবনকে আশা না করে, বা কোন ভবিষ্যৎ সুখের জন্ম চেষ্টা না করে, তবে কোন কর্ম্মই প্রবৃত্তি সম্ভব হয় না। জৈমিনী ও পাশ্চাত্য পণ্ডিতগণ যে অপূর্ব্ব-বার ও শক্তিবাদ প্রচার করিয়াছেন, তাহাতে শুদ্ধবুদ্ধি ব্যক্তিগণের কখনই রুচি হয় না। যাঙ্গরা তাহা স্বীকার করে, তাহারা কোন অংশে বঞ্চিত হইয়াছে। ভারতীয় স্মার্ত্ত পণ্ডিতেরা জৈমিনির অপূর্ব্ববাদের উল্লেখ করেন বটে, কিন্তু কার্যকালে সকলেই পরলোকসুখ ও ঈশ্বরপ্রসাদের আশাচিন্তা করিয়া থাকেন। অপূর্ব্ববাদের সহিত ঈশ্বরের যে বিরুদ্ধতাব, তাহা স্পষ্ট কৃষ্ণিতে পারিলে অপূর্ব্ববাদকে অংশ পরিত্যাগ করিতেন। জৈমিনি জালরূপে জানিতেন যে, জীবস্বল্পে ঈশ্বরানুগত্য নিত্যান্ত স্বাভাবিক, অতএব

যত্ন ও কৌশল সহকারে অপূর্ব্বান্তর্গত ফলদাতা ঈশ্বরের কল্পনা করিয়াছেন। ঈশ্বর-সংশ্রব-চাতুর্য্যাবশতঃ নিরীশ্বর কর্ম্মবাদ স্মার্ত্তপণ্ডিতগণের মতে এত প্রবলরূপে ভারতে প্রচলিত আছে। এক ব্যক্তির স্বার্থ অপর ব্যক্তির স্বার্থের ব্যাঘাত করে, অতএব সামান্তবুদ্ধি-লোক ‘নিঃস্বার্থ’ নামটা শুনিবামাত্র নিজ স্বার্থের ফলাশায় নিঃস্বার্থবাদীর মতটীর আদর করে। ইহাও নিরীশ্বর-কর্ম্মবাদ-বিস্তারের অন্ততম হেতু। নিঃস্বার্থজড়ানন্দবাদী যেরূপ জগৎকে কর্ম্মে প্রবৃত্ত করিবেন, তাহা সহজে বুঝা যায় না। স্বার্থপরতা বশতঃ কিয়ৎপরিমাণে জীবসকল তাহাদিগের উপদিষ্ট ধর্ম্ম স্বীকার করিতে পারে। কিন্তু যখন কর্ম্মতত্ত্ব বিশেষরূপে আলোচনা করিবেন, তখন জীব স্বতঃস্বার্থপর হইয়া স্বধামন্তব্য পাপাচার করিতে থাকিবেন। তিনি আপনাকে আপনি বলিবেন,—‘ভাই, সুখভোগে বিরত হইবে না। যখন কেহ জানিতে না পারে, তখন খেচ্ছাচার স্বীকারপূর্ব্বক সুখভোগ কর, কেন না তাহাতে জগৎহ্রতির কোন ব্যাঘাত দেখি না। সর্ব্বদ্রষ্টা ও কর্ম্মফলদাতা চৈতন্যরূপ ঈশ্বর যখন নাই, তখন আর ভয় কি? কেবল সাবধান হও যে, তাহা অস্ত্র জানিতে না পারে। জানিতে পারিলে অপঘল, রাজদণ্ড ও অসদমুকরণরূপ উপদ্রব অবশ্যই ঘটবে। তাহা হইলে তুমি বা জগতে কেহ সুখী হইতে পারিবে না।’ বোধ হয়, নিরীশ্বর কর্ম্মোপদেষ্টা পণ্ডিতদিগের চরিত্র বিশেষরূপ

অনুমোদন করিলে এইরূপ ব্যবহার লক্ষিত হইবে। কোন স্মার্ত্তপণ্ডিত কোন সময় কোন প্রারম্ভিকতত্ত্ববিষয়ক জিজ্ঞাসাকে চান্দ্রায়ণাদি কার্যের উপদেশ করিতেছিলেন। যখন সেই ব্যক্তি কহিল,—“ভট্টাচার্য্য মহাশয়, মাকড়বধের জন্ত যদি আমার পক্ষে চান্দ্রায়ণের ব্যবস্থা করিলেন, তবে আমার সহিত আপনার পুত্র ঐ কার্যে জিপ্ত থাকায় তাঁহার পক্ষেও ত চান্দ্রায়ণের ব্যবস্থা হইতেছে।” ভট্টাচার্য্য মহাশয় দেখিলেন, বিষম বিপদ, তখন তিনি পুস্তকের আর দুই চারি পাতা উন্টাইয়া কহিলেন,—“ওহে আমার ভুল হইয়াছে, আমি দেখিতেছি, যে ‘মাকড় মারিলে ধোকড় হয়’—এই-রূপ শাস্ত্রে আছে। তোমার কিছুই করিতে হইবে না।” নিরীশ্বর স্মার্ত্তদিগের ব্যবস্থা ও কার্য এইরূপ লক্ষিত হইবে। কোন কোন নিরীশ্বর-ধর্ম্মের আনুকূল্য জন্তই ঈশ্বরোপাসনার ব্যবস্থা। এস্থলে যদিও জীবের পরলোক এবং ঈশ্বরের ফলদাতৃত্ব স্বীকৃত হইয়াছে, কিন্তু ঐ দুইটা বিষয়ও ধর্ম্মের অঙ্গীভূত হওয়ায় স্বভাবজাত ভক্তির তাহাতে লক্ষণ পাওয়া যায় না। বরং বিচার করিলে দেখা যায় যে, কেবল নিঃস্বার্থধর্ম্ম বলিলে শেষে স্বার্থপর হইয়া পড়িবে, তাহা হইতে রক্ষা পাইবার জন্ত সাধারণকে একটা সর্বস্ব ও ফলদাতা ঈশ্বর দিলে অনেক সুবিধা হয়, এই বিবেচনায় নিরীশ্বর কর্ম্মবাদী-দিগের মধ্যে কেহ কেহ নিজ নিজ শাস্ত্রে ঈশ্বরোপাসনাকে কর্ম্মবিশেষ বলিয়া কল্পনা করিয়াছেন। কম্টি (Comte)

যে ধর্ম্ম প্রচার করিয়াছেন, তাহাতে যে উপাসনা-পদ্ধতি, তাহা কার্যকালে তত্ত্বপরিচয়-স্থলে অকর্ম্মণ্য হইবে, এই আশঙ্কায় কল্পিত উপাস্ত্রকে সত্য বলিয়া ঈশ্বররূপে ব্যবস্থা করা হইয়াছে। কম্টির সংলতা অধিক। জৈমিন্যাদির দূরদর্শিতা অধিক। কম্টি ধরা পড়ায় তাঁহার উপাসনা সাধারণের অল্পপ্রীত হয় নাই। জৈমিনি ততোধিক গণ্ডীর হওয়ায় তাঁহার কর্ম্মবাদ সাধারণ স্মার্ত্তসমাজে অল্পপ্রীত হইয়া আসিতেছে। ফলতঃ বিচারে কম্টি ও জৈমিনীর একই মত কিন্তু স্মার্ত্তচেষ্টার ফল আলোচনা করিলে ইহা প্রতীকৃত হইবে যে, কর্ম্মবাদ যেরূপেই অল্পপ্রীত হউক না কেন, কখনই মানবসমাজের বথার্থ মঙ্গল প্রদানে সক্ষম হইবে না। সেকিউল্যারিজম্ (Secularism) পজিটিভিজম্ (Positivism) বা স্মার্ত্তকর্ম্মবাদ কোন সময়েই পাপকে নির্মূল করিতে সক্ষম হইবে না। বরং অনেকদিন জগতে থাকিলে পবিত্র ভক্তির অনেক ব্যাঘাত করিবে। এই সকল কর্ম্মবাদ সময়ে সময়ে ভক্তিকে বলিয়া থাকে,—আমি তোমার অলুগত, আমি তোমার জন্ত অধিকারী প্রস্তুত করিতেছি। আমি অধাত্মিক লোকের চিত্ত শুদ্ধ করিয়া তোমার চরণে অর্পণ করিব। এই সকল কথা কেবল স্বিহৃদয়তার ফল, বাস্তবিক নয়। কর্ম্ম যখন ভক্তির বথার্থ অলুগত হয়, তখন আপনাকে কর্ম্ম বলিয়া পরিচয় দেয় না, ভক্তি বলিয়াই পরিচয় দেয়। যেকাল পর্য্যন্ত কর্ম্ম নিজ নামে

পরিচিত, ততদিন সে ভক্তির সমস্পর্ধি-তত্ত্বরূপে আপনারই গৌরব অন্বেষণ করে। বিজ্ঞান, সমাজ, শিল্প—ইহাদের উন্নতি চেষ্টাকে কৰ্ম নিজতর বলিয়া ব্যাখ্যা করে। কিন্তু যখন কৰ্ম ভক্তিস্বরূপে পরিণত হইয়া যায়, তখন বিজ্ঞান, সমাজ ও শিল্প আরও উজ্জ্বল হইয়া উন্নত হয়। এ স্থলে ইহার বিশেষ বিবৃতি করা যাইবে না ॥ ২-১২ ॥

ভবঃ ক্ৰেশোহি ভবঃ কেবাং মতে সৌখ্যমিতি

স্মিতম্ ॥

নির্বাণসুখসংপ্রাপ্তিঃ শরীরক্ৰেশসাধনাৎ ॥ ১৩ ॥

জড়বাদিগণ যে পর্যাস্ত জড়সুখকে ‘আনন্দ’ বলিয়া বিশ্বাস করেন, সে পর্যাস্ত ঔহাদের মতে জড়ানন্দই সর্বদা বিমুগ্ধ্য। স্বার্থপর বা নিঃস্বার্থপর হইয়া জড়সুখই সাধন পূর্বক তাহা সন্তোষ করেন। জড়সুখ বাস্তবিক অকিঞ্চিৎকর, চিৎস্বর পক্ষে উপযুক্ত সহচর নহে। এতবিরুদ্ধন জড়বাদীদিগের মধ্যে বাঁহারা বিবেকশক্তি দ্বারা পরিচালিত হন, ঔহারা জড়সুখে কিছুমাত্র সন্তোষ লাভ করিতে পারেন না। চিত্তস্ব ত’ স্বাধীন নয় বে, তাহাতে কোন নিত্যসুখের অহুদকান করিবেন। অতএব সহজেই জড়নির্বাণকে ‘সুখ’ মনে করিয়া তৎপ্রতি ধাবমান হইয়া থাকেন। তখন বলেন যে, অস্তিত্বই ক্ৰেশ, অস্তিত্বের সমাপ্তিই সুখ, শরীরক্ৰেশ সাধনপূর্বক নির্বাণসুখের অহুদকান কর।

যে সময় ভারতবর্ষে নিরীশ্বরকৰ্মবাদজনিত জড়ানন্দ-মত অত্যন্ত প্রবল ছিল, যখন অপ্রাকৃত-তত্ত্বপরিপূর্ণ বেদশাস্ত্রকে কেবল ধৰ্মপ্রতিপাদক শাস্ত্র বলিয়া, নিরীশ্বর-কৰ্মবাদকে বৈদিক মত বলিয়া জড়বাদি-বিশ্রগণ সামান্য যজ্ঞাদি দ্বারা ঐহিক ইন্দ্রিয়সুখ ও মরণান্তে ইন্দ্রপূরীর অপ্সরা ও অমৃত-সন্তোষ-সুখ অন্বেষণ করিতেছিলেন, তখন জড়ানন্দে মনস্তুষ্ট হইয়া ক্ষত্রিয়কুলোদ্ভব শাক্যসিংহ একদা শরীরদুঃখের অপরিহার্যতা পর্যাগোচনা-পূর্বক নির্বাণসুখসাধক বৌদ্ধবাদকে স্থাপন করিয়াছিলেন। তৎপূর্বেও যে কেহ কেহ ঐ প্রকার নির্বাণবাদ প্রচার করিয়াছিলেন, তাহারও অনেক প্রমাণ আছে। কিন্তু শাক্য-সিংহের সময় হইতে ঐ প্রকার বাদ বহুজন কর্তৃক স্বীকৃত হওয়ায় ঔহাকে আদি প্রচারক বলিয়া বৌদ্ধেরা স্বীকার করিয়াছেন। কেবল শাক্যসিংহ নহে, তৎকালে বা তাহার কিছু পূর্ব হইতে বৈশুকুলোদ্ভব ‘জীন’ নামক কোন পণ্ডিত বৌদ্ধমতের সূত্র আর একটা মত প্রচার করেন। ঐ মতের নাম জৈনমত। জৈনমত ভারতেই আবদ্ধ আছে। বৌদ্ধমত পর্তুগী, নদী ও সমুদ্র অতিক্রম করিয়া চীন, তাতার, গ্রাম, জাপান, ব্রহ্মদেশ, সিংহল প্রভৃতি নানাদেশে ব্যাপিত হইয়াছিল। অত্য়াপি ঐ মত অনেক দেশে প্রতিষ্ঠিত আছে। বৌদ্ধমতের অনেক শাখা হইয়াছে; কিন্তু শূত্র বা জড়নির্বাণবাদ বোধ

হয় সকল শাখাতেই লক্ষিত হয়। মানবস্বভাব পরমেশ্বর-
বাস্তবীত থাকিতে পারে না। অতএব বৌদ্ধমতের কতক-
গুলি শাখায় পরমেশ্বরও উপাসিত হইতেছেন।

সে দিবস কোন অতঃপুত্র ব্রহ্মদেশীয় বৌদ্ধের সহিত
আমার সাক্ষাৎ হওয়ার আমি তাঁহাকে কএকটি কথা
জিজ্ঞাসা করিলাম। তাহাতে তিনি উত্তর করিলেন যে-
পরমেশ্বর অনাদি; তিনিই সমস্ত জগৎ সৃজন করিয়াছেন।
তিনিই বুদ্ধরূপে অবতীর্ণ হন এবং এখনও তিনি
পরমেশ্বররূপে স্বর্গে আছেন। আমরা সংকর্ষ ও বিবি-
পাঙ্গনপূর্বক তাঁহার ধামে গমন করিব। ব্রহ্মদেশীয়
বৌদ্ধমতের বাহা বলিলেন, তাহাতে বোধ হয় যে, তিনি
বৌদ্ধমতের আলোচনা করেন নাই। কেবল তাঁহার
নরস্বভাব বাহা চায়, তাহাই তিনি বৌদ্ধমত বলিয়া ব্যাখ্যা
করেন। এই সমস্ত কূটতর্কজনিত মত কখনও সামাজিক
সম্পত্তি বলিয়া গৃহীত হইবে না। পুস্তকে ও আচার্য্য-
দিগের হৃদয়ে সম্পূর্ণ থাকিবে। বাহারী ঐ মতানুযায়ী
বলিয়া আপনাদিগকে অভিমান করিবে, তাহারী নরস্বভাব-
জনিত সহজ মতকে ঐ মত বলিয়া আদর করিবে।
কম্‌টিপ্রচারিত বিশ্বপ্রীতি, জৈমিনিপ্রচারিত নিরীশ্বর
কর্মান্তর্গত অপূর্বরূপী ঈশ্বর ও শাক্যসিংহ প্রচারিত
জড়নির্বাণ-মতটী তত্ত্বমতোপাসকগণ কর্তৃক স্বাভাবিক
ধর্মের আকারে অবশ্যই পরিণত হইবে। তাহাই হইয়াছে।

বৌদ্ধ ও জৈনধর্মের সদৃশ একটা নির্বাণবাদধর্ম
ইউরোপ-খণ্ডেও প্রচারিত হইয়াছে। ঐ ধর্মকে লোকে
পেসিমিজম্ (Pessimism) বলে। পেসিমিজম্ ও বৌদ্ধ-
ধর্মে আর কিছুই প্রভেদ নাই, কেবল একটা বিষয়ের
প্রভেদ আছে। বৌদ্ধধর্মে জীব জন্মজন্মান্তর ক্লেশ স্বীকার
করতঃ পরিত্রাণ করিতেছে। কোন জন্মে নির্বাণবিধি
অবগম্বন করিয়া নির্বাণ ও ক্রমশঃ পরিনির্বাণ লাভ
করিবে। পেসিমিজম্-মতে জীবের জন্মজন্মান্তর নাই।
অতএব জড়নির্বাণবাদ ছুই শ্রেণীতে বিভক্ত, অর্থাৎ (১)
একজন্মগত জড়নির্বাণবাদ, (২) বহুজন্মগত জড় নির্বাণবাদ।

বৌদ্ধ ও জৈনমত দ্বিতীয় শ্রেণীগত। উভয় মতেই
বহুজন্ম স্বীকৃত হইয়াছে। বৌদ্ধমতে অনেক জন্মে দয়া
ও বৈরাগ্য অভ্যাস করতঃ শাক্যসিংহ প্রথমে বোধিসত্ত্ব ও
অবশেষে 'বুদ্ধ' হইয়াছিলেন। তাঁহার মতে নয়তা, ধৈর্য্য,
ক্ষমা, দয়া, নিঃস্বার্থপরতা, চিন্তা, বৈরাগ্য ও মৈত্রী
অভ্যাস করিতে করিতে জীব পরিনির্বাণ লাভ করে।
পরিনির্বাণে আর আশঙ্ক থাকে না। সামান্য নির্বাণে
দয়াস্বরূপ হইয়া অদাস্থিতি। জৈনগণ বলেন,—‘অন্ত সমস্ত
সদৃশ দয়া ও বৈরাগ্যগত হইয়া অভ্যস্ত হইলে জীবের
ক্রমগতি অহুদারে নারদত্ব, মহাদেবত্ব, বাসুদেবত্ব, পরবাসু-
দেবত্ব, চক্রবর্ত্তিত্ব ও অবশেষে নির্বাণগত ভগবত্ত্ব লাভ হয়।’
উভয় মতেই জড়জগৎ নিত্য। কর্ম্ম অনাদি, কিন্তু চক্র-

বিশিষ্ট। অস্তিত্বই ক্লেশ; পরিনির্কারণই মুখ। জৈমিনি-প্রকাশিত বৈদিক কৰ্ম্মতত্ত্ব জীবের অমঙ্গল। পরিনির্কারণ-প্রাপ্তির বিধিই মঙ্গলজনক। ইন্দ্রাদি দেবতাগণ কৰ্ম্মবাদীর প্রভু বটে, কিন্তু নির্কারণবাদের সেবক।

শপেনহুয়ার (Schopenhauer) এবং হার্টম্যান (Hartmann) ইহারা প্রথমশ্রেণীর জড়নির্কারণবাদী। শপেনহুয়ারের মতে অস্তিত্ব-বাসনাত্যাগ, উপবাস, স্বেচ্ছাধীন ত্যাগ ও দৈন্ত, শরীরক্লেশ স্বীকার, পবিত্রতা ও বৈরাগ্য অভ্যাস করিলে নির্কারণলাভ হয়। হার্টম্যানের মতে কোন ক্লেশ স্বীকার করার প্রয়োজন নাই। মরণান্তে নির্কারণ সহজেই সম্ভব। হার বেন্দাম্ নামক একব্যক্তি ক্লেশকে নিত্য বলিয়া নির্কারণের অসম্ভবতা দেখাইয়াছেন।

এইস্থলে বক্তব্য এই যে, প্রচলিত অদ্বৈতবাদের মধ্যে অনেকেই জড়নির্কারণবাদী। যে সকল অদ্বৈতবাদের নির্কারণান্তে ব্রহ্মানন্দের চিৎসুখ আশা করেন, তাঁহাদিগের মত পরে বিচারিত হইবে। যাহারা নির্কারণান্তে অস্তিত্বের লোপ মানিয়া আর কোনপ্রকার আনন্দমাত্র স্বীকার করেন না, তাঁহাদিগকে জড়নির্কারণবাদী বলিয়া উক্তি করিলাম। জড়নির্কারণবাদ নিতান্ত অকৰ্ম্মণ্য, যেহেতু তাহাতে জীবের সত্তা যে কি, তাহা অনিশ্চিত থাকে। যদি জীব জড়োদ্ভূত হয়, তবে ঐ মত জড়ানন্দবাদীদিগের মতাস্তত্ব হইয়া পড়ে, তাহা নাশ্চিকতা মাত্র। যদি জীব

কোন স্বাবীন তত্ত্ব হয়, তবে তাহার লোপ কিরূপে হইবে? লোপ হওয়ার প্রমাণই বা কোথায়? ফলতঃ এই সকল মত নিতান্ত নিরীশ্বর। এই মত জড়কৰ্ম্মবাদীদিগের দোরাশ্ম্য নিবারণার্থ প্রযুক্ত হওয়ার প্রচারকদিগের চিত্তোত্তাপ ও অধাবসায়ক্রমে এতদূর প্রবলরূপে বিস্তৃত হইয়াছিল, ভারতবর্ষে ব্রাহ্মণদিগের একাধিপত্য ও নিরীশ্বরকৰ্ম্মবাদ প্রচারক্রমে ক্ষত্রাদি বর্ণসকল অত্যন্ত উপক্রত হওয়ায় ক্ষত্রিয়েরা দলবদ্ধ হইয়া বৌদ্ধমত ও বৈশ্ণৱদলবদ্ধ হইয়া জৈনমত প্রচার করেন। যখন সাংসারিক শক্ততা দ্বারা কোন দলাদলি উত্তেজিত হয়, তখন তাহা অত্যন্ত প্রবলরূপে কার্য্য করিতে থাকে। আয়াত্মায়-বিচার-রহিত হইয়া দলবদ্ধ লোকসকল তাহাতে যত্নবান্ হয়। এইরূপে ভারতে বৌদ্ধ ও জৈনমত প্রচারিত হয়। যে সকল দেশে ঐ মত নীত হইল, সে সব দেশে অধিকতর বিচারের প্রাবল্য না থাকায় ঈশ্বরশ্রেণিত বলিয়া তাহা গৃহীত হইল। আধুনিক ইউরোপীয় জড়নির্কারণবাদীরা খ্রীষ্টধর্মের প্রতি বিশ্ব্বেষপূর্কক ঐ মতের প্রচার করিয়াছেন, ইহা ইতিহাস প্রকাশ করিয়াছে ॥ ১৩ ॥

কেচিদদন্তি মায়া যা সা কত্রী জগতাং কিল।

চিদচিৎসবিনী সূক্ষ্মা শক্তিরূপা সনাতনী ॥১৪॥

কোন কোন মতে ‘মায়া’ নামী অনাদি শক্তি সমস্ত জগৎ সৃজন করিয়াছেন। সেই মায়া সূক্ষ্মরূপা। তিনি

চিত্ততত্ত্ব ও অচিন্ত্তরূপ দুইটী তত্ত্ব প্রসব করেন। পূর্বোক্ত বৌদ্ধবাদ প্রচলিত হইলে যখন ঐ মতের নিরসনপ্রযুক্ত প্রচারকদিগের অধ্যবসায় খর্ব হইতে লাগিল, তখন ঐ মতকে নূতন নূতন আকারে প্রকাশ করিবার চেষ্টা হইল। ক্রমশঃ বৌদ্ধধর্ম তান্ত্রিক হইয়া পড়িল। ঐ সময় মায়াবাদ-রূপ একটী বাদের সৃষ্টি হয়। সেই মত বৌদ্ধধর্মে 'বৌদ্ধ' নামেই অবস্থিতি করিল। কিন্তু বৌদ্ধের অগ্রাগ্র লোকদিগের মধ্যে প্রচ্ছন্ন বৌদ্ধমতরূপ মায়াবাদ প্রচারিত হইতে লাগিল। বেদার্থ সহকারে দার্শনিক আকারে ঐ মতটী যে সময় প্রচারিত হয়, তখন মায়াবাদী বৈদান্তিক-দিগের কার্য্য আরম্ভ হয়। কিন্তু পার্শ্বতীর দেশে ঐ মত ভিন্নাকারে তন্ত্রশাস্ত্রানুগত বলিয়া তন্ত্রাচার্য্যেরা মায়াশক্তিবাদ-প্রচার করেন। অনেকে বলেন, যে, তান্ত্রিক মত কপিল-দর্শন হইতে নিঃসৃত। আমার বিবেচনায় তাহা নহে। বদিও কপিলের মতে প্রকৃতি বর্জী বটে, কিন্তু পুরুষ-পুরুষপমাশব্দবিলেপ—এই বাকাবীরা চিত্ততত্ত্বের অনাদিত্ত্ব ও স্বীকৃত হইয়াছে। আমাদের বিবেচনায় শৈবমত কপিল-সাংখ্যানিঃসৃত। কিন্তু ঐ মতে প্রকৃতির বিশেষ সম্মান থাকায় অতবৃদ্ধ জনগণ কর্তৃক ঐ মতকে তান্ত্রিক মতের সহিত ভুলক্রমে ঐক্য করা হইয়াছে। তন্ত্রমতে যদিও কোন কোন স্থলে চনকগত দুইটী বীজের সহিত পুরুষ-প্রকৃতির উপমা দেওয়া হইয়াছে, কিন্তু ফলকালে

প্রকৃতিকে চিত্ততত্ত্বের প্রসবিত্রী বলিয়া উক্তি করা হইয়াছে।

জীবের প্রকৃতিনির্ধারণরূপ একটী নির্ধারণেরও কল্পনা করা হইয়াছে। জড়শক্তিবাদের মধ্যে কোন প্রকার আন্তিকতা লক্ষিত হয় না। চিহ্নশক্তিবাদিগণ যেরূপ চৈতন্যস্বরূপ ঈশ্বরকে চিত্তপ্রাব আবেদন করেন, জড়শক্তি-বাদীরা ও তদ্রূপ চিহ্নশক্তিবাদীদিগকে বিক্রম করিয়া জড়শক্তিকে সময়ে সময়ে আবেদন করিয়া থাকেন। দৃঢ় নাস্তিকবাদপরায়ণ তনহলবেক জড়শক্তির প্রতি উক্তি করিয়াছেন;—

“হে প্রকৃতি, হে সমস্ত তত্ত্বের অধিশ্বরী, হে তদীয় সম্ভান ধর্মবুদ্ধি ও নতা, তোমরা চিরকাল আমাদের রক্ষাকর্ত্ত্বরূপে অবস্থিত হও। মানবসকল তোমাদের গুণগান করুক। হে প্রকৃতি দেবি, আমাদের তোমার অভিপ্রেত সুখের পথ দেখাও। আমাদের মন হইতে ভ্রমকে দূর কর। অন্তঃকরণ হইতে হৃষ্টতা দূর কর। আমাদের কার্য্যের ক্রমপ্রাপ্তি-সম্বন্ধে আমাদের পদস্থলন রহিত কর। জ্ঞানকে রাজ্য করিতে দাও। আত্মাতে সততা বিস্তার কর এবং আমাদের হৃদয়ে শান্তিকে স্থান দাও।”

এই প্রকৃতিবাদী হলবেকই কহিয়াছেন যে, আত্মা নাই, ঈশ্বর নাই ও পরলোক নাই। প্রত্যেক ব্যক্তির স্ব-বর্দ্ধক ধর্মই মাননীয়। স্বভাবের শক্তিই সর্বোৎকর্ষী।

মহানির্দ্বাণতন্ত্রে মহাদেব আত্মশক্তি কালীকে ত্ত্ব-
করিতেছেন ;—

সৃষ্টেরাদৌ ত্ত্বমেকাসীং তমোরূপমগোচরম্ ।

স্তুতো জাতং জগৎ সর্বং পরব্রহ্মদিস্বক্ষয়ম্ ॥

“হে দেবি, সৃষ্টির পূর্বে তুমি অগোচর তমোরূপী একা
ছিলে। তোমা হইতে পরব্রহ্ম-ইচ্ছাক্রমে সমস্ত জগৎ
প্রাহৃত হইয়াছে।” এস্থলে সাংখ্যদর্শন-প্রতিষ্ঠিত
নির্লেপ পুরুষ ও ক্রিয়াবতী প্রকৃতিরূপ সাংখ্যমত হইতে
এই তন্ত্রের মত নিরূপিত হইয়াছে, এরূপ স্থির করা যায়।
পরে কথিত হইল যে,—

পুনঃ স্বরূপনামাত্ত তমোরূপং নিরাকৃতিঃ ।

বাচাতীতং মনোগম্যং ত্ত্বমৈকবাবশিষ্যতে ॥

প্রলয়ান্তে তুমি তমোরূপ স্বরূপ প্রাপ্ত হইয়া বাচাতীত
ও মনের অগম্যভাবে একাই অবস্থিতি কর।

স্বমেব জীব লোকেহিম্মিৎসং বিদ্যা পরদেবতা ।

এই লোকে তুমিই জীব, তুমিই বিদ্যারূপা পরদেবতা ।

এস্থলে জীবচৈতন্য ও স্বভাবশক্তির ভেদ দেখা যায় না। উক্ত
সাংখ্যমত-বিরুদ্ধ ।

যাবন্ন ক্ষীয়তে কৰ্ম শুভং বাশুভমেব বা ।

তাবন্ন জায়তে মোক্ষো নৃণাং কল্পশতৈরপি ॥

কুর্দ্বাণঃ সন্ততং কৰ্ম কৃষ্মা কষ্টশতান্তপি ।

তাবন্ন লভতে মোক্ষং যাবৎ জ্ঞানং ন বিদতি ॥

জ্ঞানং তত্ত্ববিচারেণ নিকামেণাপি কৰ্ম্মণা ।

জায়তে ক্ষীণতপসাং বিতুষাং নিৰ্ম্মলাশ্রনাম্ ॥

ন মুক্তির্জপনাদ্বোমাং উপবাসশতৈরপি ।

ব্রহ্মৈবাহনিত্তি জ্ঞাত্বা মুক্তো ভবতি দেহভূৎ ।

মনসা কল্পিতা মূর্তিন্ৰূপাং চেম্মোক্ষসাধনী ।

স্বপ্নলক্শন রাজ্যেন রাজ্ঞানো মানবাস্তথা ॥

জ্ঞানং জ্ঞেয়ং তথা জ্ঞাতা ত্রিতয়ং ভ্যতি মায়য়া ।

বিচার্যমাণে ত্রিতয়ে আত্মৈবেকোহবশিষ্যতে ॥

জ্ঞানমাত্মৈব চিহ্নপো জ্ঞেয়মাত্মৈব চিহ্নয়ঃ ॥

বিজ্ঞাতা স্বয়মেবাত্মা যো জানাতি স আত্মবিৎ ॥

যে পর্য্যন্ত শুভ ও অশুভ কৰ্ম্ম কর না হয়, তাবৎ
মানবের মোক্ষ হয় না। অনেক কষ্ট স্বীকার করিয়া কৰ্ম্ম
আচরণ করিলেও জ্ঞানোদয় হয় না। তত্ত্ববিচার ও নিকাম
কৰ্ম্মানুষ্ঠান দ্বারা নিৰ্ম্মলাশ্রা পণ্ডিতের মোক্ষ হয়। জপ,
হোম ও শত শত উপবাস দ্বারা মুক্তি হয় না, কিন্তু ‘আমি
ব্রহ্ম’ ইহা জানিলেই মোক্ষ। যদি মানস-কল্পিত-মূর্তি-
পূজা করিয়া মানবের মোক্ষ হইত, তাহা হইলে স্বপ্নলক্শ-
রাজ্যের দ্বারা মনবগণ রাজা হইত। জ্ঞান, জ্ঞেয় ও জ্ঞাতা
—এই তিনের ভেদ কেবল মায়ার দ্বারা ঘটে। বিচার
করিলে আত্মাই অবশেষে থাকেন। সেই ব্যক্তিকেই আত্মবিৎ
—যিনি জ্ঞানকে চিহ্নপ আত্মা বলিয়া, জ্ঞেয়কে চিহ্নয়
বলিয়া ও আত্মাকে বিজ্ঞাতা বলিয়া জানেন।

বস্তুতঃ তত্ত্বসকলের মত নানা প্রকার ; কোন একটা বিশেষ দর্শন হইতে যে তাত্ত্বিক শক্তিবাদ উদ্ভূত হইয়াছে, তাহা বলা যায় না। একস্থলে যাহা স্বীকৃত হইয়াছে, অত্র তাহা অস্বীকৃত ও নিরাকৃত হইয়াছে। কোন স্থলে পরব্রহ্মই সর্বকর্তা, কোন স্থলে প্রকৃতি, কোন স্থলে জীব। জীবকে কোন স্থলে মিথ্যা, কোন স্থলে সত্য বলা হইয়াছে। কোন স্থলে নাদবিন্দু, কোন স্থলে প্রকৃতি, পুরুষ ও কোন স্থলে কেবলা প্রকৃতিকে সমস্ত কর্তৃত্ব দেওয়া হইয়াছে। ফল কথা এই,—তত্ত্বমত একরূপ গোলাযোগ যে, তদ্বিষয়ে কোন নিয়মিত আলোচনা করা যায় না। ‘সৃষ্টেরাদ’ যে শ্লোক পূর্বে উদ্ধৃত হইল, তাহাতে সৃষ্টির পূর্বে প্রকৃতি একা ছিল পরব্রহ্মের ইচ্ছায় তাহা হইতে জগৎ সৃষ্টি হয়। প্রকৃতিই বা কে, পরব্রহ্মই বা কে? যে জীবের জ্ঞান হইলে পরব্রহ্ম হয়, সে জীবই বা কে? “ত্বমেব জীবলোকেহস্মিন্” এই শ্লোকে প্রকৃতিকেই জীব বলা হইল। ইহাতে কোন যুক্তিই পাওয়া যায় না। পরন্তু তত্ত্বসকলে যে সকল লতা-সাধন, পঞ্চ‘ম’কার সাধন, সুরাসাধনপ্রণালী কথিত হইয়াছে, তাহা যে কোন আস্তিক দর্শন হইতে সংগৃহীত হইয়াছে, একরূপ কিছুতেই বোধ হয় না। নিরীক্ষর কল্পের অপূর্ব বা মন্ত্রাত্মক দেবতা এবং কয়টি প্রভৃতির কাল্পনিক প্রকৃতি পূজা ব্যতীত তাত্ত্বিক শক্তিবাদকে আর কিছুই বলা যায় না ॥ ১৪ ॥

অথবা ভাব এব শ্রাৎ নেথরো ন জগজ্জনঃ ।

ভাবো নিত্য বিচিত্রান্মা নাভাবো বিত্তে
কচিৎ ॥ ১৫ ॥

কোন কোন পণ্ডিতাভিমानी ব্যক্তি মানসিক ভাব ব্যতীত আর কিছুই মনে না। তাহারা বলেন, বিষয় (Objective world) বস্তুতঃ নাই, ভাবই আছে। আত্মাকে যে ভাবের আশ্রয় (Subjective reality) বলি, তাহাও কার্যকর নয়। বাস্তবিক ভাব বই আর কিছুই নাই। Bishop Berkely প্রভৃতি কয়েকটা লোক একপ্রকার ‘ভাববাদী’। এই ভাব-বাদের নাম Idealism বলিয়া তাহারা উক্তি করিয়াছেন। মিলও (Mill) কিয়ৎ পরিমাণে ‘ভাববাদ’ স্বীকার করিয়াছেন। ‘ভাববাদ’ শব্দে ‘চিন্তা’ মনে করা উচিত নয়। বিষয়-ধ্যানকে ভাব বলা যায়। ঐ বিষয়-ধ্যান বাস্তবিক জড় বিষয়ের মাত্রাস্পর্শ মাত্র। জড়বিলক্ষণ কোন তত্ত্ববিশেষ নহে। মানবের মন স্বখন বিষয়কে অনুভব করিয়া বিষয়ের ছবি সংগ্রহ করে, তখনই ভাবসকল উদ্ভিত হয়। অতএব ভাববাদ কখনই জড়বাদের অতীত নয়। অদ্বৈতবাদীদিগের মধ্যে কেহ কেহ বলিয়াছেন যে, ঈশ্বর বা জগজ্জন কিছুই নাই। তত্ত্বভাবই বিদ্যমান। ভাব নিত্য ও বিচিত্র-স্বরূপ। ভাবের কখনই অভাব হয় না। ভাবই অক্ষয়-তত্ত্ব। এই মতটী নিতান্ত অকিঞ্চিংকর। চিন্তের উন্নাদ

অবস্থায়ই কেবল একরূপ বিশ্বাস হইয়া উঠে। বাহারা ঐ মত গ্রন্থমধ্যে লিখিয়াছেন, তাহাদের কার্য আলোচনা করিলে দেখা যায় যে, তাহারা কদাপি তাহা বিশ্বাস করিতেন না। ভাবকে জড় স্বল্প বলিয়া উক্তি করিলে কোন দোষ হয় না। অতএব ভাববাদও জড়বাদমধ্যে অবগুই পরিগণিত হইবে ॥ ১৫ ॥

সত্যমের ত্বসন্নিত্যং সন্দেবানিত্য ভাবনা।

কেচিদ্বদন্তি মায়াক্রাঃ যুক্তিবাদপরায়ণাঃ ॥১৬॥

কোন মতে একরূপ বিচার দেখা যায়,—“যাহাকে ‘সৎ’ বলিয়া উক্তি করা যায়, তাহা অনিত্য অর্থাৎ যাহার সত্তা আছে, তাহা অনিত্য। পরিণত বা নষ্ট হইলে অবশেষে অসৎ হইবে। অতএব অসৎই নিত্য ও সত্য।” এই মতটী নিতান্ত হাস্যজনক; যেহেতু ইহাতে সারমাত্রই নাই। কেবল তর্কশ্রিয়তাবশতঃ কোন কোন মোহাক্ষ ব্যক্তি এইরূপ কূটতর্ক উপস্থিত করেন।

‘অসৎ—সত্য’—একথাটী আদৌ উত্থানপর্যাহত পক্ষ-সাধারণ বোধগম্য বঙ্গভাষায় বলিতে গেলে এইরূপ হয়—‘নয়ই হয় এবং হয়ই নয়।’ এইরূপ কূটতর্ক হইতে সন্দেহবাদরূপ একটী মতের উদয় হইয়াছে। এই মতটীকে ইংরাজি ভাষায় (Scepticism) বলে। হিউম প্রভৃতি কয়েকটী পণ্ডিত ঐ মতের পোষকতা করিয়াছেন।

সন্দেহবাদ যদিও স্বয়ং অসিদ্ধ পক্ষ ও অস্বাভাবিক, তথাপি কার্যাবশতঃ ঐ মত এক কালে অনেকের আদরণীয় হইয়া উঠিয়াছিল। জড়ানন্দবাদ ও জড়নির্কারণবাদ জগতে এতদূর অনিষ্ট উৎপত্তি করে যে, মানবগণ তাহাদের নাম শুনিতে ঘৃণা বোধ করিয়াছিলেন। নরস্বভাব পবিত্র ও ভক্তিভূষিত। কখনই জড়বাদে আনন্দ প্রাপ্ত হয় না। জড়বাদ যখন তাহার কঠিন লৌহময় শৃঙ্খলে যুক্তির হস্তপদ বান্ধিয়া তাহাকে কারারুদ্ধ করিল, তখন যুক্তি স্বীয় বলে ঐ শৃঙ্খল ছেদন করিবার যে শেষ চেষ্টা করে, তাহাই সন্দেহবাদ। জড়ই নিত্য সত্য, জড়ই সর্বস্ব—এইরূপ স্থির হইল। অধ্যাপক হাক্সলি (Prof. Huxley) যে মত বলিয়াছেন, তজ্জপ অনেকের মুখ হইতে নিঃসৃত হইতে লাগিল। “যে ঘটনাই হউক সমস্তই জড়ীয় হেতুপরিণতি না বলিলে বৈজ্ঞানিক হয় না। জড় ও কার্যকারণ ব্যতীত আর কিছুই সিদ্ধান্ত হয় না। অবশেষে চিং ও রাগ ইহারা শাস্ত হইতে দূরীকৃত হইবে। জড়ের টেউ ক্রমশঃ আত্মাকে ডুবাইবে। বিধির অকাটা করকবল স্বাধীনতাকে বন্ধ করিবে।” যে সময় বহুতর লোক এইরূপ অসন্তর্ক করিতেছিল, নরস্বভাব নিজাবস্থার অধঃপাত দেখিতে পাইয়া তখন যুক্তিকে অস্ত্র পথে চালাইতে চেষ্টা করিলেন। নূতন চেষ্টায় যে কোন অশুভ ফল হউক না কেন, জড়বাদকে

ধ্বংস করিতেই হইবে—এরূপ দৃঢ়প্রতিজ্ঞ হইয়া বুক্তি তখন সন্দেহবাদকে প্রসব করিল। জড়বাদরূপ জঞ্জাল দূর হইল বটে, কিন্তু সন্দেহবাদ আস্তিকতার আরও ব্যাঘাত করিতে লাগিল। লোকে সন্দেহ করিতে লাগিল যে, আমরা বাস্তবিক সত্য দেখিতে পাই না। কেবল বস্তুর গুণ-সকল অহুভব করি। তাহাও যে ঠিক অহুভব করি, তাহারই বা প্রমাণ কি? ইন্দ্রিয়গণদ্বারা একটী একটী গুণ আমরা অহুভব করি। যথা চক্ষুদ্বারা রূপ, কর্ণদ্বারা শব্দ, নাসিকা দ্বারা গন্ধ, ত্বক্ দ্বারা স্পর্শ ও জিহ্বা দ্বারা আস্বাদন। আমাদের পাঁচটী জ্ঞানদ্বারক্রমে যে বস্তুগুণ-সমষ্টি হৃদয়ঙ্গম হয়, তদ্বারা আমাদের বস্তুজ্ঞান লাভ হয়। যদি পাঁচটী ইন্দ্রিয় ব্যতীত আরও দশটী ইন্দ্রিয় আমাদের থাকিত, তাহা হইলে আমরা ঐ জ্ঞানকে ভিন্নাকারে প্রাপ্ত হইতাম। এতলে আমাদের যে কিছু জ্ঞান আছে, সকলই সন্দেহপূর্ণ। এরূপ সন্দেহবাদ দ্বারা জড়বাদ নষ্ট হইলেও চিন্তাদের কোন উপকার হইল না। সন্দেহবাদ অসন্দিগ্ধরূপে বস্তুসত্তাকে স্বীকারপূর্বক কেবল এইমাত্র বলে,—“সে বস্তু তত্ত্বতঃ আমরা অবগত নই, যেহেতু আমাদের সম্পূর্ণ জ্ঞান নাই ও তদ্রূপ জ্ঞানোপায়ও নাই।” সন্দেহবাদ আপনাকে আপনি নাশ করে, যেহেতু তাহাতে অসন্দিগ্ধ তত্ত্বের স্বীকার আছে। অসন্দিগ্ধ তত্ত্ব থাকিলে আর সন্দেহবাদের মূল কোথায়? ভালরূপে

চিন্তা করিয়া দেখিলে বোধ হয়, সন্দেহবাদ নিরর্থক প্রেলাপ মাত্র। আমি আছি কিনা, এ সন্দেহ কে করিতেছে? আমিই করিতেছি। অতএব আমি আছি ॥ ১৬ ॥

সৰ্ব্বেষাং নাস্তিকানাং বৈ মতমেতৎ পুরাতনম্ ।
দেশভাষা-বিভেদেন লক্ষিতঞ্চ পৃথক্ পৃথক্ ॥১৭॥

জড়বাদ বা জড়শক্তিবাদ, ভাববাদ ও সন্দেহবাদ এই তিনটী মতই পুরাতন নাস্তিকমত। যতপ্রকার নাস্তিকবাদ হইতে পারে, সকলপ্রকার বাদই ইহার অন্তর্গত। আমরা আলোচনা করিয়া দেখিরাছি যে, নবীন নাস্তিকেরা যে সকল মত প্রচার করিয়া আপনাদিগকে নূতন মতপ্রচারক বলিয়া প্রতিষ্ঠা করেন, সে সকল ভ্রমমাত্র। নামাস্তর ও রূপাস্তর করিয়া পুরাতন মতকেই প্রকাশ করেন। এতদ্বশে বহুবিধ দার্শনিক মত প্রচারিত হইয়াছে। তন্মধ্যে সাংখ্য, শ্রায়, বৈশেষিক ও কৰ্ম্মমীমাংসা—ইহারা প্রকাশরূপে নাস্তিক। পাতঞ্জল ও বেদান্তের অদ্বৈতবাদ—ইহারা প্রচ্ছন্ন নাস্তিক-বাদ। ঐ সমস্ত মতের আলোচনা দেখিতে অনেকের বাসনা হইতে পারে, তজ্জন্তু আমরা অতি সংক্ষেপে ঐ সকল মতের কিয়ৎপরিমাণে আলোচনা করিব।

সাংখ্য—কপিলপ্রণীত পুরাতন দর্শনশাস্ত্রবিশেষ। মহর্ষি কপিল ঐ শাস্ত্রে আমাদের বিদগকে বলিয়াছেন—

ঈশ্বরাসিদ্ধেঃ ॥ ১ ॥ ২২

অর্থাৎ ঈশ্বর সিদ্ধ হয় না।

মুক্তবন্ধনোরত্তরাভাবান্ন তৎসিদ্ধিঃ ॥ ১ ॥ ২৩ ॥

ঈশ্বর মানিতে গেলে হয় তাঁহাকে মুক্ত বলিবে, নয় বন্ধ বলিবে। তদিতর আর কি বলিতে পার? মুক্ত ঈশ্বরের উপলক্ষি নাই। বন্ধ ঈশ্বরের ঈশ্বরত্ব নাই। এই স্থলে প্রবচনভাষ্যকার বিজ্ঞান-ভিক্ষু কহিলেন,—‘নযেবমীশ্বর-প্রতিপাদক-শ্রুতীনাং কা গতিস্তত্রাহ’—

মুক্তাত্মনঃ প্রশংসা উপাসাসিদ্ধস্ত বা ॥ ১ ॥ ২৬ ॥

মুক্তাত্মার প্রশংসা অথবা উপাসাসিদ্ধের প্রশংসার জন্তই ঐ প্রকার শ্রুতিসকল কথিত হইয়াছে। বাস্তবিক ঈশ্বর নাই। সাংখ্য এই পর্য্যন্ত।

ত্ৰায়—গৌতম-প্রণীত। গৌতম বলেন,—

“প্রমাণ-প্রেমেয়-সংশয়-প্রয়োজন-দৃষ্টান্ত-সিদ্ধান্তাংগবতর্ক-নির্নয়-বাদ-জল্প-বিতণ্ডা-হেতুভাস-ছল-জাতিনিগ্রহস্থানানাং তত্ত্বজ্ঞানান্নিঃশ্রেয়সাধিগমঃ।”

গৌতমের নিঃশ্রেয়ঃ যে কি অবস্থা, তাহা উপলক্ষি হয় না। বোধ হয় যে, তর্কদ্বারা প্রবল হইতে পারিলেই জীবের শ্রেয়ঃ। ষোড়শ পদার্থের মধ্যে ঈশ্বর স্থান পাইলেন না। এই জন্তই বেদ বলিয়াছেন,—

“নৈষা তর্কেণ মতিরপনেয়া ॥”

গৌতম অপবর্গকে এই প্রকারে লক্ষিত করিয়াছেন ;—
“দুঃখ-জন্ম-প্রবৃত্তি-দোষ-মিথ্যাঞ্জানানামুক্তরোত্তরাপায়ে তদ-নস্তরাপায়াদপবর্গঃ।”

নামাত্ততঃ অত্যন্ত দুঃখনিবৃত্তির নাম ‘মুক্তি’ই এই স্থলে লক্ষিত হইয়াছে। মুক্তিতে গৌতমের মতে কোন আনন্দ নাই, অতএব ঈশ্বরসূত্র মাত্রেই নাই। অতএব গৌতমকৃত ত্রায়শাস্ত্র বেদবিরুদ্ধ। গৌতম এই পর্য্যন্ত।

বৈশেষিক দর্শন—কণাদ-প্রণীত। এই দর্শনের অধিক বিচারের প্রয়োজন নাই। কণাদকৃত মূলসূত্রগুলি বিচার করিলে নিত্য ঈশ্বরকে পাওয়া যায় না। ঐ মতের কোন কোন গ্রন্থকারেরা সপ্ত পদার্থের মধ্যে দেহী পদার্থের অন্তর্গত একটা তত্ত্বকে পরমায়া বলিয়া নিজ মতের নিরীশ্বরত্ব অপনোদন করিতে চেষ্টা করিয়াছেন। কিন্তু শঙ্করাচার্য্যাদি পণ্ডিতগণ নিজ নিজ বেদান্ততত্ত্বভাষ্যে ঐ কণাদমতকে অবৈদিক ও নিরীশ্বর বলিয়া নিশ্চয় করিয়াছেন। বাস্তবপক্ষেও দেখা যায় যে, ঈশ্বরকে বাঁহারা স্বাধীন কর্তা বলিয়া স্থাপন করেন না, তাঁহাদের মতে ‘ঈশ্বর’ কথাটা থাকিলেও তাঁহারা নিরীশ্বর। ঈশ্বরের স্বভাব এই যে, তিনি সর্বতত্ত্বের ঈশ্বর বলিয়া জ্ঞাত হইবেন। যে মতে ঈশ্বরের তৎসম নিত্যদন্ত স্বীকৃত আছে, সেই মতটী নিরীশ্বর মত।

কৰ্মমীমাংসার সূত্রকার—জৈমিনি। তিনি পরমেশ্বরের কথা উল্লেখ করেন না। আদৌ ধর্মই তাঁহার বিষয়। তাঁহার মতে,—“চোদনা লক্ষণোহর্থো ধর্মঃ। কৰ্মৈকে তত্র দর্শনাং ॥”

যে অর্থ বেদের দ্বারা অনুজ্ঞাত হইয়াছে, তাহাই ধর্ম। তাহার নাম কৰ্ম। এই স্থলে তাঁহার ভাষ্যকার শবরস্বামী লিখিয়াছেন ;—

“কথং পুনরিদমবগম্যতে ? অস্তি তদপূৰ্ণম।”

কিরূপে ইহার অবগতি হয়। অতএব ‘অপূৰ্ণ’ নামক তত্ত্ব অবশ্যই আছে। কৰ্ম কৃত হইলে তদ্বারা একটী ‘অপূৰ্ণ’ উদ্ভিত হয়, তাহাই ফল প্রদান করে। ফলদাতা ঈশ্বরের কি আবশ্যিক ? কৰ্মটী প্রভৃতি আধুনিক নাস্তিকগণ এতদতিরিক্ত আর কি বলিতে সক্ষম হইয়াছেন ?

বেদান্ত-শাস্ত্রটী সৰ্বতোভাবে ভগবন্ত্ৰিপ্রতিপাদক দর্শনশাস্ত্র। তাহার ভাষ্যে অসৎ-চিন্তকগণ অদ্বৈতবাদরূপে প্রচ্ছন্ন বৌদ্ধমতকে প্রবেশ করাইয়াছেন। কিন্তু সাধু-লোকেরা বিশেষ যত্নসহকারে বেদান্তের সদ্ভাষ্য রচনা করতঃ জগজ্জনকে সুপথ দেখাইয়াছেন। অদ্বৈতবাদের নৈরর্থক্য পরে আমরা আলোচনা করিব।

পাতঞ্জল-শাস্ত্রকে যোগশাস্ত্র বলে ; উহা পতঞ্জলি ঋষি-প্রণীত। ঐ শাস্ত্রের সাধনকাণ্ডে এইরূপ সূত্রিত হইয়াছে ;—

ক্লেশকৰ্মবিপাকাশয়েরপরামৃষ্টঃ পুরুষবিশেষ ঈশ্বরঃ। তত্র নিরতিশয়ং সার্কজ্যবীজম্। স পূৰ্বেষামপি গুরুঃ কালেনানবচ্ছেদাৎ ॥

ক্লেশ, কৰ্ম, বিপাক, ও আশ্রয়—এই চারিটা উৎপাত দ্বারা অপরাধুষ্ট কোন পুরুষবিশেষের নাম ‘ঈশ্বর’। তাহাতে অত্যন্ত সার্কজ্যবীজ অবস্থিত। তিনি সমস্ত পূৰ্বেগত ব্যক্তিরও গুরু, যেহেতু কাল কর্তৃক অনবাচ্ছন্ন।

এই প্রকার ঈশ্বরের বিষয় ঐ দর্শনে দৃষ্টি করিয়া অনেকেই মনে করেন যে, পতঞ্জলি যথার্থই একজন ভক্ত। কিন্তু পাতঞ্জল-যোগশাস্ত্র যিনি বিশেষরূপে আলোচনা করিয়া শেষ পর্যন্ত পড়িয়াছেন, তিনি আর ভ্রান্ত হইবেন না। কৈবল্যপাদে লিখিত আছে ;—

পুরুষার্থ-শূন্যানং প্রতীপ্রসবঃ কৈবল্যং স্বরূপপ্রতিষ্ঠা-
বঃ চিত্তিশক্তিরিতি।

ভোজ্যরূপে এই হস্তের এইরূপ অর্থ দেখা যায় ;—
“চিহ্নক্লেবৃত্তিসারূপানিবৃত্তৌ স্বরূপমাত্রেঃবস্থানং তৎ কৈবল্যমুচ্যতে।” চিহ্নক্লেবৃত্তির স্বরূপাবস্থায় অবস্থিতির নাম ‘কৈবল্য’। এস্থলে বিবেচ্য এই যে, চিহ্নক্লেবৃত্তির অর্থ কি ? অর্থাৎ কৈবল্যপ্রাপ্ত জীবের কোন কার্য-ধাক্কা কি না ? জীব কৈবল্য লাভ করিলে সাধন-দশার ঈশ্বরের সহিত তাহার কি সম্বন্ধ থাকিবে ? উক্ত-শাস্ত্রে দুর্ভাগ্যবশতঃ এই প্রশ্নের উত্তর নাই। ঐ শাস্ত্র-

খানি পুনঃ পুনঃ পাঠ করিয়া দেখিলে প্রতীত হয় যে, সাধনকাণ্ডোক্ত ঈশ্বর কেবল উপাসনা-সিদ্ধির জন্তু কল্পিত বস্তু বিশেষ। সিদ্ধাবস্থায় তাঁহাকে আর পাওয়া যায় না। এই সমস্ত শাস্ত্র কি শেখর, না নিরীশ্বর? আপনারা উত্তর করুন।

এই সমস্ত নাস্তিকমত দেশে বিদেশে ভাষাভেদে ভিন্ন ভিন্ন নামে প্রচারিত হইয়াছে ॥ ১৭

কৰ্মজ্ঞানবিমিশ্রা যা যুক্তিস্তর্কময়ী নরে।

চিত্রমতপ্রসূতী সা সংসারফলদায়িনী ॥ ১৮ ॥

যুক্তি দুই প্রকার অর্থাৎ শুদ্ধযুক্তি ও মিশ্রযুক্তি। শুদ্ধ আত্মার চিদালোচনা-বৃত্তিকে 'শুদ্ধযুক্তি' বলা যায়। তাহার নির্দোষ ও আত্মার স্বভাবসিদ্ধ ধর্ম। জড়বদ্ধ আত্মার উল্লেখাত্মিকবৃত্তির জড়ভাবমিশ্র বিকারকে মিশ্রযুক্তি বলা যায়। তাহার দুই প্রকার অর্থাৎ কর্মমিশ্র ও জ্ঞানমিশ্র। তাহার অগ্রতম নাম 'তর্ক'। ইহাই নিন্দনীয়। যেহেতু ইহাতে ভ্রম, প্রমাণ, বিশ্রুতিপা ও করণাপটব—এই কয়েকটী দোষ লক্ষিত হয়। ইহার সিদ্ধান্ত সর্বত্র সন্দোষ। সিদ্ধযুক্তি যাচা নির্ণয় করে, তাহা সর্বত্র একই প্রকার। মিশ্রযুক্তি যে সমস্ত মত প্রসব করে, তাহা নামাপ্রকার ও পরস্পর বিবর্তমান। সেই সমস্ত মতে কাৰ্য্য করিলে বদ্ধজীবের বদ্ধতাই ফলস্বরূপ লব্ধ হয় ॥ ১৮ ॥

যুক্তেন্ত জড়জাতায়া জড়াভীতে ন যোজনা।

অতো জড়াশ্রিতা যুক্তিবদন্ত্যেবং প্রলাপনম্ ॥১৯॥

মিশ্রযুক্তি জড় হইতে জাত। আদৌ জড়বদ্ধ জীব ইন্দ্রিয়দ্বারা যে জড়ীয় ছবি প্রাপ্ত হন, তাহা স্মারবীর প্রণালী-দ্বারা মস্তিষ্কে নীত হয়। তদ্ব্যয় স্থিতিশক্তিদ্বারা সংরক্ষিত হইলে বদ্ধযুক্তি সেই সকল ছবির উপর কাৰ্য্য করিতে থাকেন। তাহাতে অনেক কল্পনা ও বিভাবনা উৎপন্ন হয়। ঐ সমস্ত ছবিকে সজ্জীভূত করিয়া তাহাতে যে সৌন্দর্য্য দেখিতে পান, তাহাকে 'বিজ্ঞান' বলিয়া আখ্যা দেন। অনুলোম ও প্রতিলোম-প্রক্রিয়া দ্বারা ঐ সকল ছবি হইতে অগ্ৰাণ্ড সিদ্ধান্তরূপ রং বাহির করেন। তাহাকে যুক্তি বলেন। কন্মটী কহিলেন,—'যাহা লক্ষিত হইয়াছে তাহাকে সজ্জীভূত করিয়া রাখ ও তাহা হইতে সত্যানুসন্ধান কর।' এখন দেখা যাউক, যে-সকল ছবি কেবল জড় জগৎ হইতে আনীত হইল, তাহার উপর যে যুক্তি করা যায়, সে যুক্তিকে জড়জাতা যুক্তি বলা যায় কি না? জড়াভীত বস্তু ও তদ্বর্ষ্য কি প্রকারে ঐ প্রণালীতে জ্ঞাত হওয়া যাইবে? যদি জড়াভীত কোন বস্তু থাকে, তবে অবশ্য তদুপলব্ধি জন্ত অগ্ৰ কোন তদুপযোগী প্রণালী থাকিবেই থাকিবে। যাহারা ঐ উচ্চ প্রণালী অবগত নন বা কুসংস্কারবশতঃ জানিতে ইচ্ছা করেন না, তাহারা জড়াশ্রিত যুক্তিকে অবলম্বন করতঃ কেবলমাত্র প্রলাপবাক্যই বলিবেন সন্দেহ কি? যে স্থলে

কেবল জড়ীয় জগতের অনুসন্ধানই কার্য্য হয়, সে স্থলে জড়প্রতিষ্ঠা যুক্তি সুষ্ঠুরূপে ফল প্রদান করে। শিল্প, শারীর-কর্ম, যুদ্ধ, সঙ্গীত ইত্যাদি যত প্রকার জড়ীয় ব্যাপার আছে, তাহাতে উক্ত মিশ্রযুক্তি বিশেষরূপে কার্য্যকরী। আদৌ মিশ্রা যুক্তি জ্ঞানমিশ্রা ভাবে ঐ সকল বিষয়ের সঙ্কলন করে, পরে কর্মমিশ্রা ভাবে ঐ সকল ব্যাপার সম্পাদন করে। রেল-রোড্‌ ব্যাপারটা যখন কোন জড়ীয় পণ্ডিতের মনে সঙ্কলিত হইয়াছিল, তখন তাঁহার যুক্তি জ্ঞানমিশ্রা। যখন উহা কার্য্যে পরিণত হইল, তখন যুক্তি কর্মমিশ্রা হইয়া শিল্প-কর্মে প্রযুক্ত হইল। শিল্পাদি কর্মই মিশ্রা যুক্তির প্রকৃত বিষয়, জড়াতীত তত্ত্ব তাহার বিষয় নয়, অতএব তাহাতে উহার যোজনা সম্ভব হয় না। জড়াতীত তত্ত্বে জড়াতীত যুক্তি কার্য্য করিতে সক্ষম। জড়বাদ, জড়শক্তিবাদ, জড়-নির্বাণবাদ, ভাববাদ—ইহারা জড়াতীত যে জগৎকারণ, তাহার সন্ধান করিবার জন্ত জড়প্রতিষ্ঠা যুক্তিকে অবলম্বন করিয়া কখনই সম্ভাব্য লাভ করিতে পারে নাই। যেহেতু তাহাদের প্রণালী নিত্যান্ত হাস্যাস্পদ। তাহারা যত গ্রহ-রচনা করিয়াছে, সে সমুদয়ই প্রলাপমাত্র ॥ ১৯ ॥

প্রলপন্তীহ সা যুক্তি রুদন্তী স্বাস্থ্যসিদ্ধয়ে ।

চরমে পরমেশানং স্বীকরোতি ভয়াতুরা ॥ ২০ ॥

সিদ্ধযুক্তি আশ্রয় স্বভাবসিদ্ধ ধর্ম হইলেও জড়বদ্ধ আশ্রয় জড়ের ভারকে গুরুভার জানিয়া তাহাতেই অনুধ্যান করতঃ

মিশ্রযুক্তিকে অধিক সম্মান করিয়া থাকেন। এ কারণ জগতের অধিক লোকই মিশ্রযুক্তির পক্ষপাতী। জড়াতীত শুদ্ধযুক্তি এতনিবন্ধন বিরল। বাহারা ভাগ্যক্রমে অন্তর্গুণ-বৃত্তিতে ভজন করিতে প্রবৃত্ত, তাঁহারা ই কেবল শুদ্ধযুক্তি অর্থাৎ সহজ সমাধির মাহাত্ম্য অবগত। বহুকাল হইতে বহির্গুণ-জগৎ মিশ্রযুক্তিকে সম্মান করিয়া তাহার নিকট হইতে ষাধার্থ্য লাভের আশা করিতেছিল। ঐ যুক্তি যত প্রকার মত প্রচার করিল, তাহা প্রথমে আদর করিয়া গ্রহণ করতঃ অবশেষে তাহাতে সম্ভাব্য লাভ হয় নাই। যুক্তি বদ্ধই হউক বা মিশ্রই হউক আশ্রয় সহিত নিঃসম্বন্ধ হইতে পারে না। সময়ে সময়ে আশ্রয় উপকার করিতে বদ্ধ করে। চিত্রমতসমূহ প্রদান করিয়া নানাবিধ প্রলাপ করতঃ যখন মিশ্রযুক্তি সম্ভাব্য লাভ না করিল, তখন আপনার প্রীতি আপনার ঘৃণা জন্মিল। প্রলাপ করিতে করিতে রোদন করিতে লাগিল। বলিল,—হায়! আমি কতদূর বহির্গুণ কার্য্য করিয়া আমার নিত্য-সম্বন্ধী আশ্রয় হইতে দূরে পড়িয়া স্বভাব ত্যাগ করিতেছি। তখন এই প্রকার রোদন করিতে করিতে ভয়াতুরা হইয়া চরমে পরমেশ্বরকে সকল কার্য্যের কারণ বলিয়া স্বীকার করে। নর-মন ঐ অবস্থায় দেশ-বিদেশে যুক্তিস্থাপিত ঈশ্বরকে প্রচার করিয়া থাকে। উদয়নাচার্য্য ঐ অবস্থায় কুম্ভমাঞ্জলি-গ্রন্থ রচনা করেন। বিশাতে শুদ্ধ ঈশ্বরবাদ (Deism) এবং Natural Theology

বলিয়া যে-সকল মত নিঃসৃত হয়, তাহা মানবগণের উক্ত অবস্থাক্রমে অনুমোদিত হয় বলিয়া জানিতে হইবে। মিশ্র-যুক্তি দ্বারা যে ঈশ্বরতত্ত্ব সংস্থাপিত হয়, তাহা নিতান্ত অসম্পূর্ণ ও উক্ত তত্ত্ব সম্বন্ধে অস্বাভাবিক অসম্পূর্ণ, যেহেতু জড়সম্বন্ধী যুক্তি যে ঈশ্বরভাব আনয়ন করে, তাহা কেবল জড়ের কারণরূপ ক্ষুদ্র ভাববিশেষ। অস্বাভাবিক, যেহেতু তাহাতে প্রকৃত আত্মোন্নতি নাই, আত্মার সাক্ষাৎ চালনা বা বিষয়ালোচনা নাই। ইহা পরে প্রদর্শিত হইবে ॥ ২০ ॥

কদাচিদীশতত্ত্বে সা জড়ভ্রান্তা প্রলাপিনী।

দ্বৈতং ত্রৈতং বহুত্বং বারোপয়ত্যেব যত্নতঃ ॥২১॥

সেই প্রলাপিনী মিশ্রা যুক্তি পরমেশ্বরের স্বীকার করিয়াও জড়ভ্রমবশতঃ পরমেশ্বরের একত্ব সংস্থাপনে অক্ষমা হয়। কোন সময়ে সে দুইটী তত্ত্বকে ঈশ্বর বলিয়া মনে করে। তখন তাহার বিবেচনায় চিত্তত্ব একটী ঈশ্বর ও জড় তত্ত্ব একটী ঈশ্বর হয়। চিত্তত্বরূপ ঈশ্বর সমস্ত মঙ্গল-জনক। জড়তত্ত্বরূপ ঈশ্বর সমস্ত অন্তঃকরণের আকর। জরদ্বন্দ্ব নামক কোন পণ্ডিত অসৎ ও সদীশ্বর—এইরূপ দুইটী ঈশ্বরের নিত্যত্ব স্বীকার করতঃ জেন্দাভেশ্তা নামক গ্রন্থে ঈশ্বরতত্ত্বের দ্বৈত স্বীকার করেন। পরমেশ্বর-পরায়ণ লোকসকল তাঁহাকে জরমীমাংসক বলিয়া তাজ্জিলা-প্রকাশ করেন; এমন কি, ঐ উপাধি পরে কৰ্ম্মকাণ্ডীয় ও

জ্ঞানকাণ্ডীয় সমস্ত বহির্লোকিক সম্বন্ধে ব্যবহৃত হইয়া আসিতেছে। জরদ্বন্দ্ব অত্যন্ত প্রাচীন পণ্ডিত। ভারতবর্ষে তাঁহার মত আদৃত না হওয়ায় ইরাণদেশে তিনি মত প্রচারে কৃতকার্য হন। তাঁহার মতটী সংক্রামক হইয়া ‘জু’দিগের ধর্মে ও শেষে কোরাণ-মতাবলম্বীদিগের মধ্যে পরমেশ্বরের সমকক্ষ একটী সয়তানের উৎপত্তি করে। যে সময়ে জরদ্বন্দ্ব দুই ঈশ্বরবিষয়ক মত প্রচার করিতেছিল, সেই সময়েই জুদিগের মধ্যে তিনটী ঈশ্বরের প্রয়োজনীয়তা লক্ষিত হইলে Trinity মত উৎপন্ন হইয়া পড়ে। আদৌ Trinity মতে তিনটী পৃথক পৃথক ঈশ্বর কল্পিত হয়, পরে যখন পণ্ডিতগণ তাহাতে সন্দেহ হইতে পারিলেন না, তখন ঈশ্বর, হোলিগোষ্ট ও খ্রীষ্ট এই তিনটী তত্ত্ব বিচার দ্বারা তাহার যুক্ত নীমাংসা বাহির করিলেন। যে কালে বা যে সম্রাটের ব্রহ্মা, বিষ্ণু শিব—ইহাদিগকে পৃথক দেবতা বলিয়া কল্পনা হয়, সে সময় ভারতেও তিনটী ঈশ্বরবিশ্বাস-রূপ একটী অনর্থ ঘটয়াছিল। পণ্ডিতগণ ঐ তিন দেবতার তাত্ত্বিক একত্ব প্রতিপাদন করিয়া শাস্ত্রের অনেক স্থলে ভেদনিষেধক উপদেশ-করিয়াছেন। অন্ত্যান্ত দেশে বহুদেবতার বিশ্বাস দেখা যায়। বিশেষতঃ অত্যন্ত অসভ্য প্রদেশে একেশ্বরবাদ-বিশুদ্ধরূপে লক্ষিত হয় না। কোন সময়ে ইন্দ্র, চন্দ্র, বায়ু প্রভৃতি দেবগণকে পরস্পর স্বাধীন বলিয়া বিশ্বাস

করিবার ব্যবহার ছিল। মীমাংসকেরা ঐমতকে পরে সংশোধিত করিয়া একটা ব্রহ্মকে সংস্থাপন করেন। এ সমস্তই জড়ভ্রান্ত যুক্তির প্রলাপমাত্র। পরমেশ্বর—একতত্ত্ব। অধিক হইলে কদাচ সংসার সুন্দররূপে নির্বাহিত হইত না। ভিন্ন ভিন্ন ইচ্ছাক্রমে ভিন্ন ভিন্ন বিধি পরস্পর বিবদমান হইয়া সংসারকে উৎসন্ন করিত সন্দেহ নাই। এই পরিদৃশ্যমান বিশ্ব যে এক পুরুষের ইচ্ছা হইতে নিঃসৃত হইয়াছে, তাহা কোন বিবেকী শোক অস্বীকার করিতে পারে না ॥ ২১ ॥

জ্ঞানং সাহজিকং হিত্বা যুক্তিন বিত্ততে কচিৎ ।
কথং সা পরমে তত্ত্বে তং হিত্বা স্হাতুমর্হতি ॥২২॥

আত্মার সহজ-জ্ঞানজনিত যে যুক্তি, তাহাই শুদ্ধ ও নির্দোষ। তৎকর্তৃক যে তত্ত্বমীমাংসা, তাহাই যথার্থ। সাহজিক জ্ঞানকে পরিত্যাগপূর্বক যুক্তি থাকিতে পারে না। তবে যে বিষয়জ্ঞান-সংসৃষ্ট যুক্তি আমরা বিষয়কার্যে লক্ষ্য করি, তাহা অশুদ্ধ বা মিশ্র। মিশ্রযুক্তি যে সমস্ত তত্ত্বকথা বলিয়া থাকে, সে সমুদয়ই অকিঞ্চিৎকর। ঈশ্বর নিরূপণ করিলেও তাহার মীমাংসা সুন্দর হয় না। পরমতত্ত্বে মিশ্রযুক্তির যোজনা নাই। শুদ্ধযুক্তি সাহজিক জ্ঞান আশ্রয়পূর্বক পরমতত্ত্ববিষয়ক যে সকল সিদ্ধান্ত করে, সে সমুদায় যথার্থ। এস্থলে জিজ্ঞাস্য এই যে, সাহজিক

জ্ঞান কাহাকে বলি? আত্মা—চিন্ময়, অতএব জ্ঞানময়। তাহাতে স্বাভাবিক যে জ্ঞান আছে, তাহার নাম সহজ-জ্ঞান। সহজজ্ঞান আত্মার সহিত নিত্য জাত। কোন জড়ীয় উপলক্ষিক্রমে জন্মে না। সেই সহজজ্ঞানের কোন প্রক্রিয়ার নাম শুদ্ধযুক্তি। সহজজ্ঞানের পরিচয় এই যে, বিষয়জ্ঞান জন্মিবার পূর্ব হইতে জীবের এই কয়টা উপলক্ষি প্রতীত হয়।

(১) আমি আছি, (২) আমি থাকিব, (৩) আমার আনন্দ আছে, (৪) আমার আনন্দের একটা বৃহদাশ্রয় আছে, (৫) সেই আশ্রয় অবলম্বন করা আমার স্বভাব, (৬) আমি সেই আশ্রয়ের নিত্য অঙ্গুগত, (৭) আশ্রয় অত্যন্ত সুন্দর, (৮) সেই আশ্রয় ত্যাগ করিবার আমার শক্তি নাই, (৯) আমার বর্তমান অবস্থা শোচনীয়, (১০) শোচনীয় অবস্থা পরিত্যাগ পূর্বক পুনরায় আশ্রয়ালুশীলন করাই আমার উচিত, (১১) এ জগৎ আমার নিত্যস্থান নয় এবং (১২) এ জগতের উন্নতিতে আমার নিত্য উন্নতি নাই।

এবস্থিধ সাহজিক জ্ঞান অবলম্বন না করিলে যুক্তি জড়-মিশ্র হইয়া কেবলমাত্র প্রলাপ করিতে থাকে। যুক্তি বিষয়সংস্রবে যে সকল বিজ্ঞান অনুসন্ধান করে, সেই সকল বিজ্ঞানেও প্রথমে কয়েকটা সহজজ্ঞান যানিয়া লইতে বাধ্য হয়। অঙ্কবিদ্যা, জ্যোতিষ প্রভৃতি শাস্ত্রে প্রথমে

কতকগুলি কথা মানিয়া না লইলে কোন বিচারই উন্নতি করিতে পারে না। পরমার্থতত্ত্বে সেইরূপ কতকগুলি সহজ সন্দেশ স্বীকারপূর্বক যে ধর্মের সংস্থাপন করা যায়, তাহাই সত্যমূলক হয় ॥ ২২ ॥

একত্বমপি তদ্বৃষ্টা তৎসমাধিচ্ছলেন চ।

স্থূলং ভিত্ত্বা তু লিঙ্গে সা যোগাশ্রয়চরত্যহো ॥২৩॥

একদল লোক আছে, যাহারা শুদ্ধ সাহজিক জ্ঞান অবলম্বনপূর্বক নিজ মত স্থির করিতে পারে না, অথচ যুক্তিকে সর্বত্র বিশ্বাস করে না। তাহারা কতকটা সাহজিক জ্ঞানকে স্বীকার করতঃ পরমেশ্বরকে এক তত্ত্ব বলিয়া মানে। জ্ঞানাবিষ্ট হইয়া সমাধি অবলম্বন করে। সে সমাধি সহজ সমাধি নয়, যেহেতু তাহাতে কুট চিন্তা লক্ষিত হয়। কুট চিন্তা দ্বারা তাহারা স্থূল জগৎকে ভেদ করিয়াও চিহ্নজগৎ দৃষ্টি করিতে পারে না; কেন না, সহজ সমাধি ব্যতীত সহজতত্ত্ব প্রকাশিত হয় না। তাহারা লিঙ্গজগৎকে লক্ষ্য করিয়া 'জীবের চরম আবাস দেখিয়াছি' এরূপ বোধ করে। বাস্তবিক তাহারা জড় জগতের লিঙ্গকে আশ্রয় করিয়া অবস্থিতি করে। লিঙ্গজগৎ ও জড় জগতে ভেদ এই যে, জড় জগৎ ইন্দ্রিয়গ্রাহ্য, লিঙ্গ-জগৎ মানসগ্রাহ্য। লিঙ্গজগৎটা জড় জগতের সূক্ষ্ম প্রাগ্ভাবমাত্র। জড় জগৎ হই প্রকার অর্থাৎ অত্যন্ত স্থূল জড়ময় জগৎ ও তদপেক্ষা সূক্ষ্ম জ্যোতির্ময়। Theoso-

phistদল যে Astral দেহের কথা বলে, তাহা জ্যোতির্ময় জড়দেহ। তদপেক্ষা লিঙ্গদেহ আরও সূক্ষ্ম অর্থাৎ মনোময়। পাতঞ্জল শাস্ত্রে ও বৌদ্ধযোগীদিগের মতে যে সূক্ষ্ম বিভূতিময় জগৎ, তাহাই লিঙ্গজগৎ। চিন্তা এ সমুদয় হইতে বিলক্ষণ। পাতঞ্জলশাস্ত্রে কৈবল্য অবস্থা যাহা বর্ণিত হইয়াছে, তাহা স্থূল ও লিঙ্গের কোন বিপরীত ভাব-মাত্র। কিন্তু কোন চিন্তকের আলোচনা তাহাতে লক্ষিত হয় না। সাধনপাদে যে ঈশ্বরের সহিত জীবের সাক্ষাৎকার হয়, কৈবল্যপাদে সে ঈশ্বর কোথায় বা কি অবস্থায় রহিলেন ও কৈবল্যপ্রাপ্ত জীবের সহিত তাহার কি সম্বন্ধ, তাহা কেহই বলিতে পারেন না। যদি কৈবল্যপ্রাপ্ত জীবসমুদয় সেই ঈশ্বরের সহিত সামুজ্য লাভ করে, তবে তাহা প্রকৃত প্রস্তাবে অষ্টৈশ্বরবাদ হইল। যোগশাস্ত্র, থিয়সফিই হউক বা পাতঞ্জলাদি যতই হউক, জীবের নিত্য কল্যাণকর নহে। নিত্যন্ত জড় হইতে বিস্তৃত চিন্তা পর্যন্ত যে সকল অবাস্তুর অবস্থা আছে, যোগ-শাস্ত্র তন্মধ্যে একটা অবাস্তুর পদ। অতএব তাহাতে চিংসুখ-অহেষণকারী জীবের কোনপ্রকার আনন্দ হয় না ॥ ২৩ ॥

কেচিদ্বদন্তি বিশ্বং বৈ পরেশনির্মিতং কিল।

জীবানাং সূক্ষ্ণভোগায় ধর্মীয় চ বিশেষতঃ ॥২৪॥

কেহ কেহ সিদ্ধান্ত করেন যে, এই বিশ্ব পরমেশ্বর আমাদের ভোগের জন্ত নির্মাণ করিয়াছেন। নিষ্পাপ-

রূপে এই জগৎকে ভোগ করিতে করিতে আমরা ধর্ম
স্বর্জন করিলে ঈশ্বরের প্রসাদ লাভ করি। ইহাতে
বিতর্ক এই হয় যে, জীবের সুখপ্রাপ্তির জন্ত যদি এই
বিশ্ব নির্মিত হইত, তাহা হইলে ঈশ্বর এই বিশ্বকে
এতদূর অসম্পূর্ণরূপে সৃষ্টি করিতেন না। তিনি সর্ব-
শক্তিমান ও সিদ্ধসকল। যখন যাহা ইচ্ছা করেন, তখন
তাহা অবিলম্বে হয়। এই বিশ্ব জীবের ভোগের জন্ত
সৃষ্টি হওয়া মনে করিলে ঈশ্বরে দোষারোপ করিতে হয়।
যদি ধর্মশিক্ষার জন্তই ইহা নির্মিত হইত, তাহা হইলেও
বিশ্ব কিছু বিভিন্নাকারে হইত সন্দেহ নাই। কেন না,
এ অবস্থায় বিশ্বে সকলেরই ধর্মলাভ হয় না ॥ ২৪ ॥

আদি জীবাপরাদাধৈ সর্বেষাং বন্ধনং ক্রবম্ ।

তথান্যজীবভূতশ্চ বিভোদীশেণ নিষ্কৃতিঃ ॥২৫॥

এই নৈতিক একেশ্বরবাদের দোষাদোষ চিন্তা করিয়া
কোন কোন ধর্ম্যাচার্য্য এই সিদ্ধান্ত করিলেন যে, জীবের
পক্ষে এ বিশ্ব বিশুদ্ধ সুখলাভের স্থান নহে; বরং এখানে
দুঃখই অধিক। বিশ্বকে জীবের দণ্ডাগার বলিয়া অনুমান
হয়। অপরাধ হইলেই দণ্ড, নতুবা দণ্ডের প্রয়োজন কি?
জীব কি অপরাধ করিয়াছে? এই প্রশ্নের সহজতরে অশক্ত
হইয়া সঙ্কীর্ণবুদ্ধিপ্রসূত ধর্মসকলে একটা অদ্ভুত মত
গৃহীত হইয়াছে; তাহা এই,—ঈশ্বর কোন আদি জীবকে

সৃষ্টি করিয়া তাহাকে কোন সুখময় বনে সস্ত্রীক হইয়া
থাকিতে দিলেন। জ্ঞানবৃক্ষের ফল ভক্ষণে নিষেধ করিলেন।
কোন দুর্গত জীবের কুপারামর্শে ঐ আদি-দম্পতি জ্ঞান-
বৃক্ষফল সেবন করিয়া ঈশ্বরাজ্য অবহেলাপরাধে সেই
স্থানচ্যুত হইয়া ক্লেশময় বিশ্বে নিপতিত হইলেন।
তাঁহাদিগের অপরাধে এই সমস্ত জীব অপরাধী হইয়া
জন্মগ্রহণ করিলেন, জীব কর্তৃক সেই অপরাধ ক্ষয়িত
হইতে পারিল না দেখিয়া ঈশ্বরের একান্তস্বরূপ একটা
তত্ত্ব জীবদুঃখ হইয়া মানবমধ্যে জন্মগ্রহণ করতঃ সকল
অনুগত জীবের পাপ নিজস্বক্কে লইয়া তিনি মৃত্যু স্বীকার
করিলেন। যে সকল জীব তাঁহার অনুগত হইল, তাহারা
অনায়াসে মুক্তি লাভ করিল, যাঁহারা অনুগত হইল না,
তাহারা চিরনরকে নিপতিত হইল। জীবভূত বিজুর
দণ্ডের দ্বারা অত্র জীবের নিষ্কৃতি, এই মতটা সহজবুদ্ধিতে
আয়ত্ত্ব করা যায় না ॥ ২৫ ॥

জন্মতো জীবসন্তাবো মরণান্তে ন জন্ম বৈ ।

যৎকৃতং সংস্বর্তো তেন জীবশ্চ চরমং ফলম্ ॥২৬॥

এই মতবাদমিশ্র ধর্ম্মে আস্থা করিতে গেলে কএকটা
অধুক্ত কথা বিশ্বাস করিতে হয়। জন্ম হইতে মরণ
পর্য্যন্তই জীবতত্ত্ব। জন্মের পূর্বে জীব ছিল না এবং
মরণান্তেও আর জীবের কর্ম্মক্ষেত্রে অবস্থিতি নাই।

আবার জীব বলিলে মানব বই আর কেহ লক্ষিত হয় না। এই বিশ্বাসটী নিতান্ত সঙ্কীর্ণ প্রজ্ঞার পরিচয়। জীব একটা চিন্ময়তত্ত্ব হয় না। শুড়েই ঘটনাক্রমে বা ঈশ্বরেচ্ছাক্রমে তাহার সৃষ্টি কল্পনা করিতে হয়। কেনই বা অসমান অবস্থায় জীবের উদয় হয়, তাহাও বলা যায় না। কোন ব্যক্তি দুঃখীর ঘরে, কেহ সুখীর ঘরে, কোন ব্যক্তি ভক্তের ঘরে, কেহ বা অসুরপ্রায় অভক্তের ঘরে জন্মগ্রহণ করিয়া জন্মসুবিধাক্রমে সৎ ও জন্ম-অসুবিধাক্রমে অসৎ হইতে কেন বাধ্য হন, বলা যায় না। ইহাতে ঈশ্বরকে অব্যবচক বলিতে হয়।

আবার পশুগণ জীবमध्ये কেনই যে পরিগণিত না হয়, তাহাও বলা যায় না। পশুপক্ষী যে মানবের আন্ত বস্তু হইবে, ইহাই বা কেন? একজন্মে মানব যাহা করিলেন, তদ্বারাই যে তাহার চিরস্বর্গ বা চিরনরক হইবে, এ বিশ্বাসও দয়াময় ঈশ্বরালুগত লোকের পক্ষে নিতান্ত অগ্রাহ্য ॥ ২৬ ॥

অত্র স্থিতস্ত জীবস্ত কৰ্ম্মজ্ঞানানুশীলনাৎ ।

বিশ্বোন্নতিবিধানেন কৰ্ত্তব্যানীশতোষণম্ ॥২৭॥

যে সম্প্রদায় এই মতে স্থিত হন, তাহারা ঈশ্বরের নিঃস্বার্থ ভজন করিতে পারেন না। তাহাদের সাধারণ মত এই হয় যে, কৰ্ম্ম ও জ্ঞানের অনুশীলন পূৰ্বক

বিশ্বোন্নতি চেষ্টা দ্বারা কৰ্ত্তব্যবোধে ঈশ্বরকে পরিতুষ্ট করিতে হয়। চিকিৎসালয়, বিদ্যালয় ও ইষ্টাপূৰ্ত্ত-ক্রিয়া দ্বারা জগতের মঙ্গলবিধান করিলে পরমেশ্বর সন্তুষ্ট হন। কৰ্ম্মচর্চা ও জ্ঞানচর্চাই ইহাদের মধ্যে প্রবল, কিন্তু কৰ্ম্ম-জ্ঞানচেষ্টারহিত শুদ্ধভক্তি তাহারা কখনই জানিতে পারেন না। কৰ্ত্তব্যজ্ঞানে ঈশ্বরভজন কখনই নিঃস্বার্থ বা স্বাভাবিক হয় না। ঈশ্বর আমাদিগকে দয়া করিয়াছেন; অতএব আমরা তাহার ভজন করিব, এই বুদ্ধি নিরুপ্ত; কেন না, ইহার প্রকারান্তর এই হয় যে, ঈশ্বর যদি দয়া না করিতেন, আমি তাহাকে ভজিতাম না। ভাবী দয়া করিলেন, এরূপ ছুই আশাও থাকে। দয়া এস্থলে যদি ভক্তিবৃত্তি দান হয়, তাহা হইলে দোষ হয় না। এধর্মে সে কথা দেখা যায় না। দয়া এখানে জীবনযাত্রার যে সুবিধা ও সুখদান, তাহাই লক্ষ্য করে ॥ ২৭ ॥

ঈশ্বররূপবিহীনস্ত সৰ্ব্বগো। বিধিসেবিতঃ ।

পূজিতোহত্র ভবত্যেব প্রার্থনাবন্দনাদিভিঃ ॥২৮॥

এই মতে এবং এই মতের অনুগত অগ্গাচ্চ নবীন মতে ঈশ্বর নিরাকার ও সৰ্বব্যাপী। জ্ঞানানুশীলনই এই মতের একটা প্রধান কৰ্ম্ম। ঈশ্বরকে সাকার বলিলে তাহার ঋকতা হয়—এই জ্ঞানগত বুদ্ধি তাহাদের চিত্তকে সৰ্বদা ব্যস্ত করে। ঈশ্বরকে আমরা জ্ঞানমার্গে যেরূপ নিরাকার ও

সর্বব্যাপী করিয়া প্রস্তুত করিতেছি, তিনি তাহা বাস্তবিক
আর কিছুই হইতে পারেন না। বস্তুতঃ এই মার্গগত
সর্কার্ণবুদ্ধি ব্যক্তিদিগের ঈশ্বরভাব অত্যন্ত জড়বুদ্ধিতঃ
পৌত্তলিকতা হইয়া পড়ে। জড়ে যে আকাশ আছে, তাহাও
সর্বব্যাপী ও নিরাকার। ইহাদের ঈশ্বরও তজ্জপ। ইহারই
নাম জড়ভজন। চর্কিতত্বের অতীত যে জীবাত্মা, তাহা
হইতে অনন্তগুণে গুণিত যে অপ্রাকৃত সর্বশেষ-স্বরূপ-
সম্প্রাপ্ত অথচ সর্বব্যাপী নির্বিশেষাদি বিরুদ্ধগুণের
অধিপতি পরম কারুণিক জীববন্ধুস্বরূপ যে ভগবান পরমেশ্বর,
তাহাকে এই মতবাদীরা কখনই সুন্দররূপে উপলব্ধি করিতে
ক্ষম হন না। এই মতবাদিগণের ঈশ্বর-আরাধনাও
নিতাস্ত দোষ ও অসম্পূর্ণ। প্রার্থনা ও বন্দনা মাত্রই
উপাসনা। প্রার্থনা ও বন্দনাতে যে সকল কথা ব্যবহৃত
হয়, তাহাও নিতাস্ত প্রাকৃত। জ্ঞানচর্চার ক্রীতদাস হইয়া
ইহারা অপ্রাকৃত শ্রীবিগ্রহোপাসনায় অত্যন্ত ভীত হন। এমত-
কি, ব্যতিব্যস্ত হইয়া অত্যাগ লোককে এষ্ট পরামর্শ দেন যে,
কখনও চিন্ময়ী মূর্তি কল্পনা করিও না। মূর্তি ভাবিলেই
ভূতপৃথক হইয়া পড়িব। এই দূরাগ্রহক্রমে তাঁহারা
জড়াতীত সচ্চিদানন্দতত্ত্বের বিশেষ অনুভব করিতে অক্ষম
হন। ইহারা প্রায়ই স্ব স্ব প্রধান। গুরুপাদাশ্রয় করিলে পাছে
কুশিক্ষা হয়, এই ভয়ে সৎগুরুশাভের যত্ন ও তজ্জপ গুরু
পাইলেও তাঁহাকে ভক্তি করেন না। অসদগুরুগণ কুগণ-

গামী করেন বলিয়া সৎগুরু পর্যন্ত ইহাদের পরিত্যাজ্য হয়।
কেহ কেহ বলেন যে, সত্যতত্ত্ব যখন আত্মায় নিহিত আছে,
তখন নিজ চেষ্টির দ্বারা তাহাকে জানিতে পারা যায়,
অতএব গুরুপাদাশ্রয়ের প্রয়োজন নাই। কেহ কেহ বলেন
যে, প্রধান আচার্য্যই বরণ করিলেই যথেষ্ট। প্রধান আচার্য্যই
ঈশ্বর, গুরু ও ত্রাণকর্তা। তিনি আমাদের স্বরূপের মধ্যে
প্রবিষ্ট হইয়া আমাদের পাপাশয় ধ্বংস করেন, অস্ত
মনুষ্যগুরুর প্রয়োজনাত্মক। ইহাদের মধ্যে কেহ কেহ কোন
একখানি গ্রন্থসংগ্রহকে ঈশ্বরদত্ত ধর্মগ্রন্থ বলিয়া মানেন।
কেহ বা ধর্মগ্রন্থ মানিতে গেলে অনেক ভ্রম মানিতে হয়,
এই ভয়ে গ্রন্থমাত্রকেই মানেন না ॥ ২৮ ॥

ইদমেব মতং বিদ্ধি সর্বত্রৈবাসমঞ্জসম্ ।

ঈশ্বরে দোষদং সাক্ষাৎ জীবন্ত কৌজসাধকম্ ॥

এই মতে একটি ঈশ্বর হইলেও এই মত অনেকস্থলে
অসমঞ্জস, ঈশ্বরের বৈষম্যদোষপূর্ণ এবং ঈশোন্মুখ জীবের
পক্ষে তুচ্ছ। ঈশ্বর একজন বটে, কিন্তু তাঁহার ইচ্ছা হইতে
স্বতন্ত্র আর একটি পাপময় প্রকাণ্ড স্বরূপকে স্বীকার করা
হয়। আবার যাহারা ঐ প্রকাণ্ড স্বরূপকে ছাড়িয়াছেন,
তাঁহারা ঈশ্বরের মায়াশক্তিকে অনুভব করিতে না পারিয়া
জীবের দৌর্ভাগ্যমধ্যে পাপসৃষ্টি লক্ষ্য করেন। পাপসকল
জীবের দৌর্ভাগ্য হইতেই হয় বটে, কিন্তু অনাদি কর্মমার্গের

পাপপুণ্য বিচার ত্যাগ করিলে জীবের দৌর্ভাগ্যবিধান জন্ম ঈশ্বরকেই দোষী হইতে হয়। ইহারা মুখে ঈশ্বরকে নির্দোষ বলেন; কিন্তু কার্যে সমস্ত দোষ ঈশ্বরের উপর নিক্ষেপ করিয়া থাকেন। জীবের শুদ্ধ চিত্তত্ব, জড়গতলিঙ্গ ও জ্বল তত্ত্বকে যথাযথ পৃথক্ করিয়া ইহারা বুঝিতে পারেন না। ইহাদের জ্ঞান ও বিজ্ঞান উভয়ই দূষিত ও কুঞ্জিত। এই জন্ম জীবের স্বরহস্য ও তদঙ্গ ইহারা কোনক্রমেই বুঝিতে পারেন না। জড় বিজ্ঞানের গর্ভে ইহাদের চিত্তবিজ্ঞান নিতান্ত খর্ব হইয়া থাকে, যে ফল ইহারা সাধন করেন, তাহাও তুচ্ছ। লিঙ্গতত্ত্বগত স্বর্গলাভই ইহাদের চরম। লিঙ্গকেই ইহারা চিত্তত্ব বলিয়া মনে করেন। এই জন্মই ইহারা মন ও আত্মাকে পৃথক্ বলিয়া বুঝিতে পারেন না ॥ ২২ ॥

কেচিদ্ধদন্তি সর্বং যচ্চিদচিদীশ্বরাদিকম্ ।

ব্রহ্মসনাতনং সাক্ষাদেকমেবাদ্বিতীয়কম্ ॥ ৩০ ॥

বহুদিন হইতে ‘অদ্বৈতবাদ’ নামক একটা বাদ চলিয়া আসিতেছে। বেদের একদেশে আবদ্ধ হইয়া এই মতটী উদ্ভিত হইয়াছে; অদ্বৈতবাদ যদিও ভারতের বাহিরেও অনেক পণ্ডিতগণ প্রচার করিয়াছেন, তথাপি এই মত যে ভারত হইতে সর্বদেশে ব্যাপ্ত হইয়াছিল, ইহাতে সন্দেহ হয় না। আলেক্সান্ডারের সহিত কয়েকটা পণ্ডিত ভারতে

আসিয়া এই মত উত্তমরূপে শিক্ষা করেন, ইহা আংশিকরূপে তদেবশ্ব পণ্ডিতগণ নিজ নিজ পুস্তকে উল্লেখ করিয়াছেন। অদ্বৈতবাদ এই যে, ব্রহ্মই একমাত্র বস্তু, আর বস্তুস্তর নাই বা হয় নাই। চিং, অচিং ও ঈশ্বর এইরূপ পৃথক্ ভাব-সকল ব্যবহারিক বুদ্ধির ফল, বস্তুতঃ ব্রহ্মই সমস্ত পরিদৃশ্য তত্ত্বের অবিকৃত মূল। সেই ব্রহ্ম নিত্য নির্বিকার, নিরাকার ও নির্বিশেষ। তাহাতে কিছুমাত্র উপাধি নাই। কোন-প্রকার শক্তি নাই এবং কোন প্রকার কার্য নাই। ব্রহ্মের অবস্থাস্তর বা পরিণাম নাই। এই সমস্ত বাক্য বেদের স্থানে স্থানে পাওয়া যায়। ব্রহ্মবাদিগণ এই সকল কথা অনায়াসে বিশ্বাস করিলেন, কিন্তু মবিশেষ জগতের প্রতি দৃষ্টিপাত করিয়া ভাবিতে লাগিলেন যে, তদ্রূপ ব্রহ্ম কিরূপে জগতের কারণ হইতে পারেন? জগৎও প্রত্যক্ষ দেখা যাইতেছে। কোথা হইতে জগৎ আসিল। ইহার মীমাংসা না করিতে পারিলে আমাদের উপাদেয় মত বজায় থাকে না। তখন চিন্তা করিতে করিতে কতই বিচার উঠিতে লাগিল। নিষ্ক্রিয় ব্রহ্মে কি করিয়া কার্য বা কার্যশক্তি স্বীকার করা যায়? আবার আর একটা তত্ত্ব স্বীকার করিয়া অদ্বৈত-প্রতিজ্ঞা ভঙ্গ না হয়। বিচার করিতে করিতে প্রথমে স্থির করিলেন যে, ব্রহ্মে একটুকু পরিণামশক্তি থাকিলে বোধ হয় অদ্বৈতহানি হইবে না। ব্রহ্মই বস্তু-পরিণাম। তাহার প্রতীতি হইতে পারে ॥ ৩০ ॥

বস্তুনঃ পরিণামায়া বিবর্ত্তভাবতঃ কিল ।

জগদ্বিচিত্রতা সাধ্যা জগদন্ত্যং ন বর্ত্ততে ॥ ৩১ ॥

এক মতে পরিণাম মানাই স্থির হইল। তখন আর একটা অষ্টমস্কন্ধী বলিয়া 'উষ্ণেন কি—ব্রহ্মের দোষ স্বীকার করা উচিত নয়। ব্রহ্মকে পরিণামী বলিলে তাহার ব্রহ্মতা বজায় থাকিবে না। পরিণামবাদ দূর করিয়া বিবর্ত্তবাদ গ্রহণ করা ব্রহ্মের অবগুণ্ণ নাই। অতএব পরিণাম অসম্ভব। তত্ত্বজ্ঞানে ব্রহ্মের স্থিতিমান এবং তত্ত্বজ্ঞানের অভাবস্থলে অগ্ণ্যাবুদ্ধিরূপ বিবর্ত্ত-প্রতীতি মানিলে আমাদের মতটী সর্বাঙ্গ-সুন্দর হইবে। রজ্জুতে সর্পজ্ঞান হইতে ভগ্নাদি বিচিত্রতা হয়; স্তম্ভিত্তে রজতজ্ঞানে আশাদি বিচিত্রতা দেখিতে পাই। অতএব বিবর্ত্ত মানিলে আর ব্রহ্মও দোষ হয় না এবং জগৎ যে মিথ্যা, কেবল অজ্ঞান প্রতীতি মাত্র, এই মাত্র সিদ্ধ হয়। জগৎ নাই, জীবন নাই। ব্রহ্ম আছেন এবং জগৎপ্রতীতির একটা ভাগ মাত্র আছে। ঐ ভাগকে বিশেষরূপে বুঝিতে গিয়া তাহার নাম 'অবিজ্ঞা', 'মায়' ইত্যাদি অভিধানে পাওয়া গেল। ভাগ কখনই তত্ত্বান্তর নয়, অতএব বস্তু একই রহিল, অধিক হইল না। বস্তু পারমার্থিক ও ভাগ ব্যবহারিক,—ইহাই স্থির হইল। ব্যবহারিক বুদ্ধি পারমার্থিক জ্ঞান কর্তৃক পরাজিত হইলে এক বস্তুসিদ্ধির সহিত ব্যবহারিক ভাগ বিনষ্ট হইয়া যায় এবং মুক্তি আসিয়া উপস্থিত হয় ॥ ৩১ ॥

অথবা জীবচিন্তায়াং জাতং সর্বং জগদ্ভ্রুবম্ ।

জীবেশ্বরে ন ভেদোহস্তি জীবঃ সর্বেশ্বরেশ্বরঃ ॥

তখন আর একদল পণ্ডিত উষ্ণীয়া ভাগপ্রবল মতকে তত তাত্ত্বিক মনে করিলেন না। তাঁহারা বলিলেন,—জগৎটা স্বতঃসিদ্ধ ভাগ নয়। জীবরূপ অল্প একপ্রকার ভাগকে অবলম্বন করিয়া জগদ্রূপ ভাগের উৎপত্তি হইয়াছে। জীব তবে কি পৃথক্ তত্ত্ব? তাহাও নয়। তাহা বলিলে অষ্টমতহানি হইবে। জীবই ভাগ। ঐ পণ্ডিতগণ ছুইভাগে বিভক্ত হইয়া ছুইটা মত স্থির করিলেন। একদল বলিলেন, মহাকাশ ব্রহ্ম ও জীব অবিজ্ঞা-পরিচ্ছেদ দ্বারা ঘটা কাশরূপে পৃথক্ প্রতীত হন। অতদল তাহাতে এই প্রতিবাদ করেন যে, তাহা হইলে ব্রহ্মকে বিবর্ত্ত করা হইবে। ব্রহ্মের সাক্ষাৎ অংশ পরিচ্ছিন্ন করিয়া মায়ায় বশীভূত করিতে হইবে। তাহা না করিয়া জীবকে ব্রহ্মের প্রতিবিম্ব বলিয়া স্বীকার করা রৌদ্রের প্রতিফলন বা জলচন্দ্রের ত্রায় জীবকে কল্পনা করা জীব অবিজ্ঞাময় মিথ্যাতত্ত্ব হইয়াও অবিজ্ঞার ধর্মক্রমে প্রাধানিক জগৎকে কল্পনা করেন। বস্তুতঃ ব্রহ্ম এক ও অদ্বিতীয়। জীব পৃথক্ নয়, জগৎও পৃথক্ তত্ত্ব নয়। এই সমস্ত মতের ভিতরে একটা মহাপ্রমাদ আছে, তাহা মত-বাদানুককারাঙ্ক পণ্ডিতগণ দেখিতে পান না এবং দেখিতে চান না। প্রমাদটী এই যে ব্রহ্ম—অদ্বিতীয় তত্ত্ব এবং তাঁহা হইতে পৃথক্ তত্ত্ব নাই। যে পর্য্যন্ত সেই ব্রহ্মের অচিন্ত্য

শক্তি স্বীকার না করা যায়, সে পর্য্যন্ত পূর্বোক্ত সমস্ত মীমাংসাই অকিঞ্চিৎকর হয়। একজন মায়া, একজন অবিজ্ঞা, একজন ভাগ, আর একজন ভাগের ভাগ মানিয়া কিরূপে নিঃশক্তি ব্রহ্মকে একতত্ত্ব বলিয়া স্থাপন করিতে পারেন? এই সমস্ত মতে অবশ্যই অষ্টৈতহানি-দোষ লক্ষিত হয়। অচিন্ত্যশক্তি মানিলে আর ব্রহ্মকে একতত্ত্ব বলিয়া বজায় রাখিয়া তৎসত্ত্বের আশ্রয় লইতে হয় না। বস্তুশক্তি বস্তু হইতে কখনই পৃথক্ নয়। সবিকার ও নিরীকর, নিরাকার ও সাকার, সবিশেষ ও নিরীকশেষ—ইহারা পরস্পর বিরুদ্ধধর্ম হইলেও অচিন্ত্যশক্তির নিকট সর্বদা যুগপৎ অবস্থিত হইয়াও পরস্পর অবিরোধী। মানবযুক্তি—সৌম্যবিশিষ্ট, অতএব অবিচিন্ত্য শক্তিকে ভালরূপে উপলব্ধি করিতে পারে না। সেই জগুই কি অচিন্ত্য শক্তি অস্বীকৃত হইবে? অচিন্ত্যশক্তিৎ ব্রহ্মের মহিমা কেবল নিরীকশেষ ব্রহ্মমহিমা অপেক্ষা অনন্তগুণে শ্রেষ্ঠ। আমরা পরব্রহ্মেরই প্রতিষ্ঠা করি। পরশক্তিবিশিষ্ট ব্রহ্মই—পরব্রহ্ম। নিঃশক্তি নিরীকশেষ ব্রহ্ম—পরব্রহ্মের একদেশ মাত্র। এরূপ স্থলে পরব্রহ্ম ত্যাগ করিয়া একদেশপ্রতিষ্ঠিত ব্রহ্মের চিন্তা হীনতর চিন্ত হইতে হয়, সন্দেহ নাই। কেবল অষ্টৈতবাদ সদ-যুক্তিকে পরিভূষ্ট করিতে পারে না, বেদের সমস্ত বাক্যের সামঞ্জস্য করিতে পারে না এবং জীবের চরম মঙ্গল বিধান করিতে অক্ষম ॥ ৩২ ॥

এতেষু বাদজালেষু তৎসদেব বিনিশ্চিতম্ ।

অন্যব্যতিরেকাভ্যামন্যজ্ঞানমেব যৎ ॥ ৩৩ ॥

ইতি শ্রীসচ্চিদানন্দানুভূতৌ সদানুশীলনং
নাম প্রথমোহনুভবঃ ॥

এই সমস্ত বাদ—জ্ঞান অর্থাৎ মতবাদীদিগের কুসংস্কার মাত্র। এই সমস্ত মতবাদের মধ্যে সত্য নিহিতরূপে অবস্থিত করেন। অসত্যসমূহকে নির্দ্বারিত করিয়া দূর করতঃ সত্যকে সাক্ষাৎ অনুসন্ধান পূর্বক সংগ্রহ করার নাম 'সত্যনির্ঘণ'। ভিক্টর কুঁজা নামক একজন ফরাসী পণ্ডিত এই উপায়টী বুঝিয়াও কৃতকার্য হইতে পারেন নাই। তাঁহার কৃতকার্য না হইবার কারণ এই যে, তিনি পাশ্চাত্য-বুদ্ধিনিঃসৃত তত্ত্ববিজ্ঞার মধ্যে সার গ্রহণ করিতে যত্ন করিয়াছিলেন। পাশ্চাত্য বুদ্ধি অত্যন্ত জড়নিষ্ঠ। আত্মা ও অনাত্মার স্বল্প পার্থক্য উপলব্ধি করিতে না পারিয়া জড়জনিত মনকেই অর্থাৎ লিঙ্গপদার্থকেই 'আত্মা' বলিয়া স্থির করিয়াছেন। তুষ কুটিয়া চাঁউল বাহির করার চেষ্টা যেরূপ নিষ্ফল, কুঁজার সার-সংগ্রহও চরমে সেইরূপ হইল। ঈশাবাস্ত-উপনিষদে বলিয়াছেন—

হিরন্ময়েন পাত্রেণ সত্যস্তাপিহিতং মুখম্ ।

তত্ত্বস্পৃশ্নপাবুগু সত্যধর্মায় দৃষ্টয়ে ॥

হে চিংহুর্ধ্বস্বরূপ ভগবন, তোমার পরম-তত্ত্বরূপ সত্যের মুখ তোমার অনজ্যোতিরূপ নিরীকশেষ ও হরীকশেষাত্মক

শক্তি স্বীকার না করা যায়, সে পর্য্যন্ত পূর্বোক্ত সমস্ত মীমাংসাই অকিঞ্চিৎকর হয়। একজন মায়া, একজন অবিজ্ঞা, একজন ভাগ, আর একজন ভাগের ভাগ মানিয়া কিরূপে নিঃশক্তি ব্রহ্মকে একতত্ত্ব বলিয়া স্থাপন করিতে পারেন? এই সমস্ত মতে অবশ্যই অষ্টৈতহানি-দোষ লক্ষিত হয়। অচিন্ত্যশক্তি মানিলে আর ব্রহ্মকে একতত্ত্ব বলিয়া বজায় রাখিয়া তৎসত্ত্বের আশ্রয় লইতে হয় না। বস্তুশক্তি বস্তু হইতে কখনই পৃথক্ নয়। সবিকার ও নিরীকর, নিরাকার ও সাকার, সবিশেষ ও নিরীকশেষ—ইহারা পরস্পর বিরুদ্ধধর্ম হইলেও অচিন্ত্যশক্তির নিকট সর্বদা যুগপৎ অবস্থিত হইয়াও পরস্পর অবিরোধী। মানবযুক্তি—সৌম্যবিশিষ্ট, অতএব অবিচিন্ত্য শক্তিকে ভালরূপে উপলব্ধি করিতে পারে না। সেই জগুই কি অচিন্ত্য শক্তি অস্বীকৃত হইবে? অচিন্ত্যশক্তিৎ ব্রহ্মের মহিমা কেবল নিরীকশেষ ব্রহ্মমহিমা অপেক্ষা অনন্তগুণে শ্রেষ্ঠ। আমরা পরব্রহ্মেরই প্রতিষ্ঠা করি। পরশক্তিবিশিষ্ট ব্রহ্মই—পরব্রহ্ম। নিঃশক্তি নিরীকশেষ ব্রহ্ম—পরব্রহ্মের একদেশ মাত্র। এরূপ স্থলে পরব্রহ্ম ত্যাগ করিয়া একদেশপ্রতিষ্ঠিত ব্রহ্মের চিন্তা হীনতর চিন্ত হইতে হয়, সন্দেহ নাই। কেবল অষ্টৈতবাদ সদ-যুক্তিকে পরিভূষ্ট করিতে পারে না, বেদের সমস্ত বাক্যের সামঞ্জস্য করিতে পারে না এবং জীবের চরম মঙ্গল বিধান করিতে অক্ষম ॥ ৩২ ॥

এতেষু বাদজালেষু তৎসদেব বিনিশ্চিতম্ ।

অন্যব্যতিরেকাভ্যামন্যজ্ঞানমেব যৎ ॥ ৩৩ ॥

ইতি শ্রীসচ্চিদানন্দানুভূতৌ সদানুশীলনং
নাম প্রথমোহনুভবঃ ॥

এই সমস্ত বাদ—জ্ঞান অর্থাৎ মতবাদীদিগের কুসংস্কার মাত্র। এই সমস্ত মতবাদের মধ্যে সত্য নিহিতরূপে অবস্থিত করেন। অসত্যসমূহকে নির্দ্বারিত করিয়া দূর করতঃ সত্যকে সাক্ষাৎ অনুসন্ধান পূর্বক সংগ্রহ করার নাম 'সত্যনির্ঘণ'। ভিক্টর কুঁজা নামক একজন ফরাসী পণ্ডিত এই উপায়টী বুঝিয়াও কৃতকার্য হইতে পারেন নাই। তাঁহার কৃতকার্য না হইবার কারণ এই যে, তিনি পাশ্চাত্য-বুদ্ধিনিঃসৃত তত্ত্ববিজ্ঞার মধ্যে সার গ্রহণ করিতে যত্ন করিয়াছিলেন। পাশ্চাত্য বুদ্ধি অত্যন্ত জড়নিষ্ঠ। আত্মা ও অনাত্মার স্বল্প পার্থক্য উপলব্ধি করিতে না পারিয়া জড়জনিত মনকেই অর্থাৎ লিঙ্গপদার্থকেই 'আত্মা' বলিয়া স্থির করিয়াছেন। তুষ কুটিয়া চাঁউল বাহির করার চেষ্টা যেরূপ নিষ্ফল, কুঁজার সার-সংগ্রহও চরমে সেইরূপ হইল। ঈশাবাস্ত-উপনিষদে বলিয়াছেন—

হিরন্ময়েন পাত্রেণ সত্যস্তাপিহিতং মুখম্ ।

তত্ত্বস্পৃশ্নপাবুগু সত্যধর্মায় দৃষ্টয়ে ॥

হে চিংহর্ষাস্বরূপ ভগবন, তোমার পরম-তত্ত্বরূপ সত্যের মুখ তোমার অনজ্যোতিরূপ নিরীকশেষ ও হরীকশেষাত্মক

পাত্রেয় দ্বারা চিংকণরূপ জীবের নিকট আচ্ছাদিত আছে।
তুমি কৃপা করিয়া সেই আচ্ছাদন দূর কর। ইহারই নাম
বেদবিহিত ধর্ম্মানুসন্ধান।

পুনশ্চ ভাগবতে ;—

অণুভ্যশ্চ বৃহদ্যশ্চ শাস্ত্রেভ্যঃ কুশলো নরঃ ।

সর্ব্বতঃ সারমাদত্যাং পুষ্পোভ্য ইব ষট্‌পদঃ ॥

ভ্রমর যেমন ফুলের অসার পরিত্যাগ করিয়া পুষ্পের
মধুমাত্র সংগ্রহ করে, পণ্ডিত ব্যক্তি তদ্রূপ ক্ষুদ্র ও বৃহৎ
সমস্ত শাস্ত্র হইতে সার গ্রহণ করিয়া থাকেন। এবস্তৃত
বেদ ও ভাগবতানুমোদিত সারগ্রাহী প্রবৃত্তি অবলম্বন
পূর্ব্বক বৈষ্ণব পণ্ডিতগণ জড়তত্ত্বনির্ণায়ক ক্ষুদ্র শাস্ত্রসকল
হইতে এবং আত্মতত্ত্বনির্ণায়ক বৃহৎ শাস্ত্রসকল হইতে
একমাত্র পরমতত্ত্ব ও নিকৃষ্ট সত্য প্রাপ্ত হইয়াছেন।
তাহার নাম অদ্বয়জ্ঞান। সচ্চিদানন্দ-তত্ত্বের সদংশই সেই
অদ্বয়জ্ঞান। ‘সৎ’শব্দেই তাহার প্রতিষ্ঠা। সৎ প্রকাশিত
হইলে অসৎ কাজে কাজেই দূর হয়। ‘সৎ’শব্দে অথও
চিঞ্জগৎ বুঝিতে হয়। এই মায়িক জগৎ চিঞ্জগতের
অসৎ প্রতিফলন মাত্র।

ইতি তত্ত্ববিবেক সদনুশীলনরূপ প্রথমাত্মভব।

দ্বিতীয়াত্মভবঃ

সচ্চিদানন্দসাত্ত্বাজং পরানন্দরসাত্ত্বয়ম্ ।

চিদচিচ্ছক্তিসম্পন্নং তং বন্দে কলিপাবনম্ ॥১॥

যে পরমপুরুষের বিগ্রহ সচ্চিদানন্দবনীভূত স্বরূপে
প্রকাশ পায়, যিনি জড়ানন্দের অতীত চিদগত শ্রেষ্ঠানন্দ
রসের আশ্রয়স্বরূপ এবং যিনি সর্ব্বদা চিচ্ছক্তি ও অচিচ্ছক্তি-
রূপ বৃত্তিব্যয়ের অধীশ্বর, সেই কলিপাবন পরমেশ্বরকে
বন্দনা করি ॥ ১ ॥

স্বরূপমাস্থিতো হ্যাত্মা স্বরূপশক্তিবৃত্তিতঃ ।

বদত্যেব নিজাত্মানমুপাধিরহিতং বচঃ ॥ ২ ॥

মায়িক জগতে যে সকল জীবাত্মা বদ্ধ আছেন,
তাহারা প্রকৃতি-বৈচিত্র্য অবলম্বন পূর্ব্বক প্রথম অনুভবের
দ্বিতীয় শ্লোকে যে প্রশ্ন করা হইয়াছে, তাহার বিচিত্র
উত্তর দেন। তন্মধ্যে যে আত্মা বিবেক ও সৎগুরু-
উপদেশক্রমে স্ব-স্বরূপ অবগত হইয়াছেন, তাহার
স্ব-স্বরূপে স্থিত হইয়া যুক্ত উত্তর দিয়া থাকেন। সেই
যুক্ত উত্তর সর্ব্বত্র এক। প্রথম অনুভবের দ্বিতীয় শ্লোকে
যে প্রশ্নত্রয় আছে, তাহা এই,—‘এই জড় জগতের
ভোক্তাস্বরূপ আমি কে? এই যে বিপুল বিশ্ব, ইহাই

বা কি? বিশ্ব ও আমি, আমাদের প্রকৃত সম্বন্ধ কি? মায়িক দশাপ্রাপ্ত আত্মা যে সকল বিচিত্র উত্তর দেন, তাহা প্রথম অনুভবে বিচারিত হইয়াছে। এই দ্বিতীয় অনুভবে স্ব-স্বরূপস্থিত আত্মার ঐ প্রশ্নত্রয়ের যে যুক্ত উত্তর, তাহা কথিত হইবে। স্ব-স্বরূপস্থিত আত্মা কি? ইহাট অগ্রে বিবেচিত হইবে। মায়িক দেশ, কাল, ইন্দ্রিয়, শরীর ও সম্বন্ধ অতিক্রম করিয়া যে আত্ম-সত্ত্বা, তাহাই স্ব-স্বরূপস্থিত আত্মা। সর্ববৈদ্যাস্তার-রূপ শ্রীমদ্ভাগবত-গ্রন্থে সেই শুদ্ধ আত্মার অবস্থা বর্ণিয়াছেন; যথা—“যুক্তিহি ত্বাত্মথারূপং স্বরূপেণ ব্যবস্থিতিঃ।” মায়িক দশা যুক্ত হইলেই আত্মার স্ব-স্বরূপে অবস্থিতি হয়। তদ্রূপ-অবস্থিত আত্মা উক্ত প্রশ্নত্রয়ের যে উত্তর দেন, তাহা যুক্ত। এখন এই পূর্বপক্ষ হইতে পারে যে, মায়িক দশাপ্রাপ্ত জীবের শরীর, ইন্দ্রিয় ও যুক্তি আছে। সেই দশা পরিত্যাগ করিলে শরীর, ইন্দ্রিয় ও যুক্তি কোথা থাকিলে, এই যুক্ত উত্তরই বা কিরূপে হইবে, এই পূর্বপক্ষের সিদ্ধান্ত এই যে, আত্মা জ্ঞানস্বরূপ ও তাহার জ্ঞান-গুণ আছে। কেবল জ্ঞানস্বরূপ নহে। আলোক যেরূপ প্রকাশস্বরূপ হইয়াও অস্ত-বস্তু-প্রকাশ-গুণযুক্ত, আত্মাও সেইরূপ স্বয়ং জ্ঞানস্বরূপ হইয়াও বস্তুস্তর-সম্বন্ধে জ্ঞানগুণ প্রকাশ করিতে পারেন অর্থাৎ আত্মা স্বয়ং দেখিতে, শুনিতে, ভ্রাণ লইতে, আশ্বাদন করিতে

ও সংস্পর্শ করিতে পারেন। আত্মাতে এইরূপ জ্ঞান-ধর্ম স্বতঃসিদ্ধ। মায়িক অবস্থায় পড়িয়া আত্মা জড়াবরণে আবদ্ধ। জড় ভগ্নতের সহিত যোজনায় জড় জড়েন্দ্রিয়-সকল তাঁহার গৌণ কার্য্যসকলের পরিচয় দেয়। তিনি জড় চক্ষুদ্বারা দেখে, জড় কর্ণের দ্বারা শুনে, জড় নাসিকাদ্বারা আত্মাণ লন, জড় জিহ্বাদ্বারা স্বাদ গ্রহণ করেন এবং জড় ত্বকুদ্বারা স্পর্শানুভব করেন। স্বতঃসিদ্ধ শক্তিদ্বারা হইয়া তিনি পরের শক্তিতে কার্য্য করিতেছেন। এই অবস্থায় তিনি যে-সকল সিদ্ধান্ত করেন, তাহা জড়প্রযুক্ত যুক্তিদ্বারা সম্পন্ন হয়। জ্ঞানস্বরূপ আত্মার পক্ষে এইরূপ অপগতি অত্যন্ত দুর্বিপাক। যে গতিকেই ইউক, যখন তিনি স্ব-স্বরূপে অবস্থিত হন, তখন তিনি আত্মবৃত্তিদ্বারা সাক্ষাৎ ঐ সকল কার্য্য করেন। তখন তাঁহার যুক্তি স্বতঃসিদ্ধ। সে অবস্থায় সেই যুক্তিসম্বন্ধ প্রমোত্তর-স্বভাবতঃ হয়। আত্মার যে স্বরূপশক্তি, তাহার বৃত্তিক্রমে তখন তিনি সমস্ত কার্য্য করেন। তিনি সে সময় নিজের প্রশ্নের যে উত্তর আপনাকে দিয়া থাকেন, তাহা উপাধিরহিত বাক্য। স্ব-স্বরূপস্থিত আত্মা ভারতে বসিয়া যাহা বলিবেন, স্ব-স্বরূপস্থিত জড় আত্মা উত্তর-কেঙ্গে বসিয়া তাহাই বলিবেন। বৈকুণ্ঠস্থিত আত্মা সেই উত্তর দিবেন; কেন না, শুদ্ধ আত্মাদিগের সিদ্ধান্তে মায়িক চিত্ত গুণ নাই, অতএব পৃথক হইতে পারে না ॥ ২ ॥

ভগবানেক এবাস্তে পরাশক্তিসমন্বিতঃ ।

তচ্ছক্তিনিঃসৃতো জীবো ব্রহ্মাণ্ডঞ্চ জড়ান্বকম্ ॥৩॥

‘একমেবাদ্বিতীয়ং’, ‘নেহ নানাস্তি কিঞ্চন’, ‘স বিশ্বকুং বিশ্ববিতং’, ‘প্রধানক্ষেত্রজপতিগুণেশঃ’ ইত্যাদি বহুবিধ বেদবাক্যে ‘একঃ দেবো ভগবান্ বরেণ্যঃ’ এই বাক্য-যোগে ভগবত্ত্বের নিত্যত্ব স্থির হইয়াছে। শ্রীমদ্ভাগবত বচনে “বদন্তি তত্তত্ত্ববিদস্তত্ত্বং যজ্ঞজ্ঞানমধ্বয়ম্ । ব্রহ্মেতি পরমাত্মোক্তি ভগবানিতি শব্দাতে ॥” ব্রহ্ম ও পরমাত্মা অপেক্ষা ভগবানের সর্বোচ্চতমত্ব বুদ্ধিতে পারা যায়। ব্রহ্ম ও পরমাত্মা—ইহারা পৃথক পৃথক ঈশ্বর এবং ভগবান্ তাঁহাদের সর্বোচ্চরূপে একরূপ বুদ্ধিতে হইবে না। জীব—দ্রষ্টা ; ভগবান্ যখন দৃষ্টির বিষয় হন, তখন প্রথমে জ্ঞান-চিন্তামার্গে ব্রহ্মরূপে দৃষ্ট হন। অধিকতর আলোচনা করিতে করিতে যোগমার্গ উপস্থিত। সেই মার্গে ভগবান্ পরমাত্মারূপে দৃষ্ট হন। জীবের সৌভাগ্যক্রমে যখন শুদ্ধ ভক্তিব্যোগ উদিত হয়, সেই ভক্তিব্যোগে অবস্থিত জীব ভগবৎস্বরূপ দৃষ্টি করে। দৃষ্টির বিষয় অত্যন্ত মধুর, পরমানন্দময়, সচ্চিদানন্দ, মধ্যমাকার-স্বরূপ একটী কমনীয় পুরুষ। তাহাতে সমগ্র ঐশ্বর্য্য, সমগ্র বীর্ঘ্য, সমগ্র যশঃ, সমগ্র সৌন্দর্য্য, সমগ্র জ্ঞান এবং সমগ্র বৈরাগ্য সুন্দর-রূপে সামঞ্জস্য লাভ করিয়াছে। সুতরাং ব্রহ্মভাব ও পরমাত্মভাব তাহাতে ক্রোড়ীকৃত হইয়া লুক্কায়িত হইয়াছে।

সেই ভগবান্ সর্বশক্তিসম্পন্ন ইচ্ছাময় ও শক্তিসম্পন্ন হওয়ায় তাঁহার নিত্যলীলা ও নৈমিত্তিক লীলা নিত্যসিদ্ধ। স্বতন্ত্র হওয়ায় তিনি সমস্ত বিধির বিধাতা হইয়াও স্বয়ং কোন বিধির বাধ্য নন। সেই ভগবানের দ্বিতীয় নাই, সমান নাই, অধিকও নাই। সেই ভগবানের পরাশক্তি বিবিধ বিক্রমযুক্ত। সম্পূর্ণ চিহ্নিক্রমদ্বারা ভগবানের চিন্তাম, চিন্তীলা, চিত্তপকরণ—সমস্তই পরাশক্তির পরিণতি। শক্তির পূর্ণতা হইতে চিহ্নগতের পরিণতি। শক্তি বিচিত্রা, অতএব তাঁহার অণুস্বরূপ একপ্রকার পরিণতি দেখা বাইতেছে। চিৎকণ, চিৎগুণকণ, চিৎক্রিয়াকণ লইয়া পরাশক্তির জীবশক্তিরূপ বিক্রম জৈবজগৎ প্রকট করিয়াছেন। সেই পরাশক্তির ছায়ারূপ আর একটী বিক্রম আছে; তাহাতে পঞ্চ মহাভূত, পঞ্চ তন্মাত্র, দশটী ইন্দ্রিয়, মন, চিত্ত, বুদ্ধি, অহঙ্কাররূপ ২৪টী তত্ত্ব প্রকটিত হইয়াছে। ইহারই নাম জড় ব্রহ্মাণ্ড এবং ছায়াশক্তির নাম মায়া ॥ ৩ ॥

সোহর্কস্তুৎকিরণো জীবো নিত্যানুগতবিগ্রহঃ ।
প্রীতিধর্মা চিদাত্মা সঃ পরানন্দেহপি দায়ভাক্ ॥

ভগবান্—অর্কস্বরূপ। অর্কের কিরণকণ-স্বরূপ—জীব-নিচয়। সেই কিরণকণ জীবের ভগবদানুগতাই স্বাভাবিক ধর্ম। সেই ধর্মের উপযোগী জীবের চিৎকণ-বিগ্রহ।

জীবের স্বরূপ—চিৎকণ, অতএব জীব—চিদায়া। চিদৃগুণের
অনুস্বরূপ জীবগুণ। চিদৃগুণের ধর্মই প্রীতি। অতএব
জীবের প্রীতিকণই ধর্ম। জীবকে 'প্রীতিধর্মী' বলা যায়।
চিৎস্বরূপ এবং প্রীতিধর্মী হইলেও জীব স্বয়ং রূপবিগ্রহ
বলিয়া তাঁহার স্বরূপ ও ধর্ম অপূর্ণ। জীবের স্বভাবতঃ
আনন্দকণ আছে, তাহাকে ব্রহ্মানন্দ বলা যায়।
'ব্রহ্মানন্দো ভবেদেষ চেৎ পরাঙ্কৃগুণীকৃতঃ। নৈতি ভক্তি-
সুখাশৌধে পরমাণুতুলামপি।' ভক্তির উচ্চদশায় যে
পরানন্দ লাভ হয়, তাহাতে জীব স্বভাবতঃ দায়ভাক্
অর্থাৎ অধিকারী। ব্রহ্মানন্দকে ক্ষুদ্র জানিয়া ভগবদানু-
গত্য দ্বারা তাঁহাকে প্রসন্ন করিতে পারিলে তিনি চিৎ-
শক্তিকে জীবের স্বভাবে প্রেরণ করেন। সেই চিৎশক্তির
বল লাভ করিয়া জীব পরানন্দ লাভ করিতে সক্ষম
হন ॥৪॥

তচ্ছক্তেচ্ছায়য়া বিশ্বং সর্বমেতদ্বিনির্মিতম্।

যত্র বহির্শূণ্য জীবাঃ সংসরন্তি নিজেচ্ছয়া ॥৫॥

জীব কৃষ্ণানুগত হইলে পরানন্দে যেরূপ দায়ভাক্
হন, সেইরূপ বহির্শূণ্য হইলে স্বীয় স্বতন্ত্রতার অপব্যবহার
জন্ত সংসারধর্মে পতিত হন। চিচ্ছক্তি যেরূপ জীবের
উচ্চগতির সহায়, জড়-প্রপবিত্রী মায়াশক্তি সেইরূপ
জীবের সংসারবন্ধনের সহায়। মায়া-শক্তি চিচ্ছক্তির

ছায়া। জীবের সংসারোপযোগী এই জড়রূপাণ্ডকে তিনি
প্রসব করিয়াছেন। জীবের ভোগায়তনরূপ স্কুল ও দ্বিগ্ধ
দেহ নির্মাণ করিয়াছেন। এই জড়বিশ্বে পতিত হইয়া
জীবের কর্মবন্ধনরূপ নিগ্রহ ঘটয়াছে। ভগবৎবহির্শূঁ বতাই
সংসারের একমাত্র কারণ। ইহাতে বুঝিতে হইবে যে,
জীব জড় জগতে উৎপন্ন হন নাই বা চিচ্ছগতে উৎপন্ন
হন নাই। তুই জগতের সন্ধিহলে তাঁহার উৎপত্তি।
স্বতন্ত্র ইচ্ছা চিৎকণ জীবের স্বাভাবিক ধর্ম হওয়ার এবং
চিচ্ছন্নতি অপেক্ষা জড়ভোগে অধিক প্রবৃত্তি হওয়ার
তিনি স্বেচ্ছাক্রমে সংসার স্বীকার করিয়াছেন। ইহাতে
ভগবানের কোন দোষ নাই। ভগবান্ করুণা প্রকাশ
করিয়া জীবের ইচ্ছানুরূপ ভোগশাভের জন্ত জড়বিশ্ব
নির্মাণ করিয়াছেন। জড়বিশ্বকে এরূপ গঠন করিয়াছেন
যে, স্বল্পদিনের ভোগেই জীবের বৈরাগ্যবিবেকোদয় হইলেন।
পুনরায় সাধুসঙ্গ-ব্যবহার দ্বারা জীবের উদ্ধারের পন্থা নির্মাণ
করিয়াছেন ॥ ৫ ॥

জীবতো জড়তো বাপি ভগবান্ সর্বদা পৃথক্।

ন তৌ ভগবতো ভিন্নৌ রহন্তমিদমেব হি ॥৬॥

জীব ও জড়কে ভগবান্ আপনা হইতে পৃথক্ তত্ত্বরূপে
সৃষ্টি করিয়াছেন, তথাপি জীব ও জড়জগৎ তাঁহা হইতে
পৃথক্ নয়, ইহাই একটা পরম রহস্য। ভগবান্ স্ব-স্বরূপে

জীব ও জড়জগৎ হইতে নিত্য পৃথক্। শক্তিস্বরূপে জীব ও জড়জগতে অনুপ্রবিষ্ট। বাসদেব সর্বশাস্ত্র-প্রকটন ও বিচার করিয়া এই বহুস্ত বুঝিতে না পারায় হুঃখিতাস্তঃকরণে রোদন করিতেছিলেন। ভগবদ্ভক্ত-নারদ আসিয়া যাহা তিনি ব্রহ্মার নিকট শিক্ষা করিয়া-ছিলেন, সেই চতুঃশ্লোকী ভাগবতের মর্ম সংক্ষেপতঃ বলিয়াছিলেন। তাহার মর্ম এই- জ্ঞান, বিজ্ঞান, তদ্রহস্য ও তদঙ্গ—এই চারিটী তত্ত্ব জ্ঞাতব্য। ‘জ্ঞান’ শব্দে এই অর্থ হইয়াছে যে, আমি এক পরমতত্ত্ব ভগবান্ সর্বপ্রাণে ছিলাম; সং ও অসং এবং তদুভয়ের অতীত যে ব্রহ্ম, তাঁহার তখন প্রকাশ-অবসর ছিল না। যখন সৃষ্টি হইল, তখন আমি শক্তিরূপে পরিণত হইলাম এবং যখন আর কিছু না থাকিবে, তখন পূর্ণৈশ্বর্য-ভগবৎস্বরূপে আমিই একমাত্র অবশেষ থাকিব। ইহাই ভগবজ্জ্ঞান। ব্রহ্মজ্ঞানাদি ইহার পরিকর। ‘বিজ্ঞান’ শব্দে এই অর্থ হইয়াছে। আমি পরমার্থ, আমার বাহিরে যাহার প্রতীতি, আমার স্বরূপে যাহার নিজ প্রতীতি নাই, তাহাকেই আমার শক্তিতত্ত্ব বলিয়া জানিবে। এখানে ‘মায়’ শব্দে পরাশক্তিরূপ যোগমায়াকে বুঝায়। অতএব শক্তি আমা হইতে নিত্য পৃথক্ ও অপৃথক্। অপৃথক্ৰূপে অপরিচিতা, পৃথক্ৰূপে পরিচিতা। পৃথক্ৰূপে পরিচয়ের দুইটী স্থল অর্থাৎ আভাস ও ভ্রমঃ। ‘আভাস’ অর্থে অণু ও ‘ভ্রমঃ’ অর্থে জড়

অণুস্বরূপে জৈবজগৎ ও জড়স্বরূপে মায়িক ব্রহ্মাণ্ড আমার পরিচিত শক্তিগত। এই শক্তির সহিত ভগবানকে জানার নাম বিজ্ঞান। বহুস্তই তৃতীয় তত্ত্ব। জড়জগতে প্রধান, মহত্ত্ব প্রভৃতি মহাভূতসকল পরিচিত ক্ষিত্যাदि-ভূত বেরূপ অনুপ্রবিষ্ট হইয়াও অপ্রবিষ্টরূপে পৃথক্ থাকে, সেইরূপ চিৎস্বরূপ আমি ভগবান্ জীবটীতে তত্ত্বনিঃসেইরূপে অনুপ্রবিষ্ট হইয়াও নিত্য পৃথক্ আছি। জীবগণ যখন নত অর্থাৎ আমাতে ভক্তিমান্ হয়, তখন আমি তাহাদের নিত্য সহচর, ইহাই তদ্রহস্য। তদঙ্গ এই যে জীব সংসার-ষাটনার ক্রিষ্ট হইয়া সাধুর পদে আত্মজিজ্ঞাসা করেন এবং গুরুপ্রসাদ লাভ করিয়া অন্নয়-ব্যতিরেক-বিচার পূর্বক নিত্য সত্য যে আমি, আমাকে লাভ করেন। ইহাই শ্রীমদ্ভাগবতোক্ত অচিন্ত্যভেদভেদতত্ত্ব ॥ ৬ ॥

জড়জালগতা জীবা জড়াসক্তিং বিহায় চ।

স্বকীয় বৃত্তিআলোচ্য শনকৈল ভিতে পরম্ ॥৭॥

জীবসকল নিত্যবদ্ধ ও নিত্যমুক্তরূপে দ্বিবিধ। নিত্যমুক্ত জীবগণ নিত্য কৃষ্ণসেবায় অন্নরক্ত। যে সকল জীব মায়ার জড়ত্বগলে পড়িয়াছেন, তাহারা জড় বিষয়ের আসক্তি পরিত্যাগ পূর্বক স্বকীয় চিহ্নিত্তি আলোচনা করিতে করিতে পরতত্ত্বকে লাভ করেন। জীবের স্বকীয় বৃত্তি—ভগবদানুগত্য। আনুকূল্যতাবের সহিত

চিহ্নবিষয়ে যত আলোচনা করিবেন, ততই জড়বিষয়ের আসক্তি খর্ব হইবে। চিদনুশীলন পূর্ণ হইলে জড়াসক্তি সম্পূর্ণরূপে খর্ব হয় এবং জীবতত্ত্বের পরতত্ত্ব যে চিদনুশীল ভগবান, তাঁহার চরণ লাভ করেন। চিদনুশীলন করিতে করিতে চিদাস্বাদন উদ্ভিত হয়। যে পর্য্যন্ত জীবের জড়াসক্তি, সে পর্য্যন্ত জীঃগণ চিহ্নবিষয়ের অনুভব হইতে পরাজুখ থাকেন ॥ ৭ ॥

চিন্তাতীতমিদং তত্ত্বং দ্বৈতাদ্বৈতস্বরূপকম্ ।

চৈতন্যচরণাস্বাদাচ্ছুদ্ধজীবে প্রতীয়তে ॥ ৮ ॥

এই দ্বৈতাদ্বৈত-স্বরূপতত্ত্ব মানবচিন্তার সতীত ; কেন না বুগপং বিরুদ্ধ ধর্মের অবস্থিতি জড়ভ্রমতে অপরিমুক্তিত হওয়ায় জড়বদ্ধ জীবের জড়-বিষয়-জ্ঞানে ইহার প্রতীতি হয় না। ভগবত্তত্ত্ব অসংখ্য বিরুদ্ধগুণদকল অবিচিন্ত্য শক্তিধারা সুন্দররূপে নিরমিত আছে। নির্কিকার পুরুষ ইচ্ছাময়, মধ্যমাকার-স্বরূপ হইয়াও অণু হইতে অণু ও বৃহৎ হইতে বৃহৎ, নিরপেক্ষ হইয়াও ভক্তবৎসল, নির্কিশেষ হইয়াও সবিশেষ, ব্রহ্ম হইয়াও গোপসহচর কৃষ্ণ, জ্ঞানপূর্ণ হইয়াও প্রেমময় ইত্যাদি প্রকারে ভগবান্ সমস্ত বিরুদ্ধধর্মের আশ্রয়। জড় বস্তুতে এরূপ উদাহরণ নাই। জড়বদ্ধ মানবের বুদ্ধি জড়শিত। জড়ের অতীত বস্তুকে স্পর্শ করিতে অযোগ্য। এই জগুই অচিন্ত্য বস্তু তাহাতে প্রতীত হয় না। এতদ্বিবন্ধন মানবের বন্ধাবস্থায়

অচিন্ত্য-ভেদাভেদতত্ত্বের স্পষ্ট উপলব্ধির অভাব। তবে কি কোন অবস্থায় বদ্ধজীব এই তত্ত্বের সৌন্দর্য্য দেখিতে পায় না? উত্তর এই যে, ষাঁহারা চৈতন্যচরণাস্বাদ লাভ করিয়াছেন, তাঁহাদের চিত্তপলকি ক্রমেই শুদ্ধ হয়। শুদ্ধ হইতে হইতে যখন তাঁহাদের শুদ্ধ জীবস্বরূপের উদয় হয়, তখনই এই অচিন্ত্য-ভেদাভেদতত্ত্বের প্রতীতি স্পষ্ট হয়। 'চৈতন্যচরণাস্বাদ' এই শব্দধারা যে ছুই প্রকার অর্থ পাওয়া যায়, সেই অর্থদ্বয় বস্তুতঃ এক। শ্রীশ্রীমহাপ্রভুর চরণসেবা দ্বারা যে স্বেদাস্বাদন হয়, তাহা একপ্রকার অর্থ। পরম-চৈতন্যতত্ত্বের আনুগত্য—দ্বিতীয়ার্থ। শ্রীশ্রীমহাপ্রভু ও পরমচৈতন্য যখন পরস্পর অভেদ, তখন ছুই অর্থেই এক অর্থ হইল। সদনুশীলন-সময়ে এই গ্রন্থে যত যত আচার্য্যের মত বিচার করা গিয়াছে, তাঁহারা সকলেই বদ্ধ অণুচৈতন্য। তাঁহাদের মত নিরসন পূর্বক শুদ্ধচৈতন্য-শিক্ষিত পরমতত্ত্ব এই অনুভবে আলোচিত হইতেছে ॥ ৮ ॥

চিদেব পরমং তত্ত্বং চিদেব পরমেশ্বরঃ ।

চিৎকণো জীব এবাসৌ বিশেষশ্চিহ্নচিত্রতা ॥৯॥

তত্ত্ব জীব, জড় ও চিৎ এই তিন প্রকার হইলেও চিৎই পরমতত্ত্ব। চিৎই—পরমেশ্বর, এই যে জীব, ইনি চিৎকণ। চিত্ততত্ত্বের বিচিত্রতাই তাহার বিশেষ ধর্ম। চিৎজগতের স্বর্ধ্যস্বরূপ—ভগবান্। অতএব তিনি চিৎস্বরূপ, তাঁহারই কিরণকণ যখন জীব, তখন চিৎকণ। চিত্তবস্তুর

বিচিত্রতাই ইহার বিশেষ। অতএব চিদ্বস্তু হইতে উপাদেয় ও উক্তম আর কিছুই নাই। জড়জগতে যে বিচিত্রতা, তাহা চিহ্নিচিত্রতার হয়ে প্রতিফলন মাত্র ॥৯॥

আনন্দশিচ্চদগুণঃ প্রোক্তঃ স বৈ বৃত্তিস্বরূপকঃ।

যস্যানুশীলনাজ্জীবঃ পরানন্দস্থিতিং লভেৎ ॥১০॥

স্বতন্ত্রেচ্ছা যেরূপ চিদ্বস্তুর স্বরূপ, আনন্দ সেইরূপ চিদ্বস্তুর গুণ। সেই আনন্দ চিদ্বস্তুর বৃত্তিস্বরূপ; যে বৃত্তির অনুশীলন করিতে করিতে জীব পরানন্দস্থিতি লাভ করেন। 'এষ হেবানন্দয়তি' এই বেদবাক্যে আনন্দই চিদ্বস্তুর ধর্ম, তাহা প্রতীত হয়। অগ্নির যেরূপ দাহিকা-বৃত্তি,—জলের যেরূপ তারল্য বৃত্তি, চিদ্বস্তুর সেইরূপ আনন্দবৃত্তি। জড়ে বদ্ধ হইয়াও জীব এক প্রকার বিষয়ানন্দরূপ বৃত্তি প্রকাশ করে। বস্তুমাত্রেরই হুইটী পরিচয় পাওয়া যায়। স্বরূপ-পরিচয় ও বৃত্তি-পরিচয়। চিদ্বস্তুর সেইরূপ বৃত্তি-পরিচয়—আনন্দ। জড়াতীত আনন্দের অনুশীলন করিতে করিতে জীব সহজে স্বীয় স্বরূপানন্দ লাভ করেন। ক্রমশঃ ভগবানের পরানন্দভোগের অধিকারী হন ॥ ১০ ॥

চিদ্বস্তু জড়তো ভিন্নং স্বতন্ত্রেচ্ছাত্মকং সদা।

প্রবিষ্টমপি মায়ায়াং স্বস্বরূপং ন তন্ত্যজেৎ ॥১১॥

চিদ্বস্তুর স্বরূপ পরিচয় কি? এই প্রশ্নটা অনেকেই করেন। ইহার সম্পূর্ণ উত্তর প্রায়ই হয় না। জীব সেই

বস্তু বটে, কিন্তু স্ব-স্বরূপ বিস্মৃত হওয়ায় তাহাকে স্পষ্টরূপে ব্যাখ্যা করা বন্ধুজীবের পক্ষে কঠিন। পরন্তু চিংকণ জীবের স্ব-স্বরূপ বিস্মৃত হইলেও তাহার মূল পরিচয় পরিত্যক্ত হয় নাই। প্রথমে জিজ্ঞাস্য এই, জীব জড় হইতে বিলক্ষণ তত্ত্ব, অতএব তাহার স্বরূপ-পরিচয় জড়ের স্বরূপ-পরিচয় হইতে অবশ্য বিলক্ষণ হইবে। সে বিলক্ষণতা কি? তাহা অনুবন্ধান করিয়া দেখুন। যত জড়বস্তু আছে, তাহাতে বহুগুণ দেখা যায় এবং তাহার বহু পরিচয় পাওয়া যায়, কিন্তু তাহাতে ইচ্ছালক্ষণ বস্তু নাই। সুতরাং জাতৃত্ব-ধর্মও নাই। জীব যতদূর সঙ্কুচিত হউন না কেন, তাহার এই হুইটী লক্ষণ একেবারে আচ্ছাদিত না থাকিলে অবশ্যই প্রকাশ পায়। জড় বস্তুর মধ্যে তাপ চঞ্চল বস্তু, চঞ্চলতার সহিত কার্য্য করে। চালকতা-ধর্ম তাহার প্রধান পরিচয় হইলেও স্বেচ্ছামতে চালক হইতে পারে না, নিজেও চলিতে পারে না। কতকগুলি জড়গুণের কার্য্য-গতিকে সংঘটন হইলে তেজ-বস্তু অগ্রাণ্ড বস্তুকে চালন করে, আপনিও চলে। তেজ-বস্তুতে স্বীয় ইচ্ছার ক্রিয়া দেখা যায় না। চিদ্বস্তু কীট পিপীলিকাদি-অবস্থায় অনেক পরিমাণে জড়কুচিত হইয়াও আপন আপন ইচ্ছাশক্তির লক্ষণ দেখায়। পিপীলিকা চলিতে চলিতে কোন একটা বিচার উপস্থিত হইলে আর একটা পথ অবলম্বন করে। এই বিচার-শক্তি ও ইচ্ছাশক্তি স্বভাবতঃ

স্বতন্ত্র। ইহা যখন জড়বস্তুতে নাই এবং চিত্তবস্তুতেই কেবল দেখা যায়, তখন স্বতন্ত্রত্বাযুক্ত জ্ঞানই চিংএর স্বরূপ, ইহাতে সন্দেহ নাই। দিব্যান্ত এই যে, চিত্তবস্তু ‘মহৎ’ পদবাচ্য, ইচ্ছাযুক্ত জ্ঞান এবং আনন্দই ইহার বৃত্তি। প্রপঞ্চ প্রবিষ্ট হইয়াও সেই স্বরূপ ও বৃত্তি একেবারে পরিত্যাগ করে নাই ॥ ১১ ॥

ফল্গুং নিরর্থকং বিদ্ধি সর্বং জড়ময়ং জগৎ।

বহির্মুখস্ত জীবস্ত গৃহমেব পুরাতনম্ ॥ ১২ ॥

এই জড়ময় জগৎ সমস্তই তুচ্ছ ও অসার। ভগবৎবহির্মুখ জীবের ইহা পুরাতন কারাগৃহ। শ্রীনারদোপদেশে বেদব্যাস যখন সমাধিতে বসিলেন, তখন ভক্তিপুত্ৰদেয়ে কি দেখিয়াছিলেন, তাহা আলোচনা করুন। “ভক্তিবোগেন মনসি সম্যক্ প্রণিহিতেহমলে। অপশ্চৎ পুরুষং পূর্ণং মায়াঞ্চ তদপাশ্রয়াম্। যয়া সম্মোহিতো জীব আত্মানং ত্রিগুণাত্মকম্। পরোহপি মনুতেহনর্থং তৎকৃতঞ্চাভিপত্ততে। অনর্থোপশমং সাক্ষাভক্তিবোগমধোক্ষজে।” ব্যাসদেবের মন যখন ভক্তিবোগের দ্বারা নির্মল হইল, তখন তিনি তিনটা তত্ত্ব দেখিতে পাইলেন। পূর্ণ পুরুষ কৃষ্ণই প্রথমতত্ত্ব। তাহার অপাশ্রয় মায়াই দ্বিতীয় তত্ত্ব। মায়া হইতে শ্রেষ্ঠতত্ত্ব হইয়াও মায়ার দ্বারা সম্মোহিত জীবই তৃতীয় তত্ত্ব। তৃতীয় তত্ত্ব জীব স্বয়ং চিংকণ হইয়াও আপনার স্বরূপকে-

মায়ার ত্রিগুণাত্মক মনে করিয়া গুণকৃত অনর্থ সকলকে স্বকৃত অনর্থ বলিয়া অভিমান করিতেছেন। অপ্ৰাকৃত জড়েন্দ্রিয়াতীত শ্রীকৃষ্ণে সাক্ষাৎ ভক্তিবোগই সেই অনর্থের একমাত্র উপশম, তাহাও দেখিতে পাইলেন। বস্তুতঃ মায়া-কৃত এই জড়বিধ চিংকণ জীবের পক্ষে কল্প ও নিরর্থক। এবস্তুত তুচ্ছ জগতে জীবের অবস্থিতি কেন হইয়াছে? এই প্রশ্নের উত্তরে কথিত হইয়াছে যে, বহির্মুখ জীবের পুরাতন গৃহস্বরূপ এই জড়ময় বিশ্ব কার্য্য করিতেছে। ইহাতেই প্রতীত হইল যে, বহির্মুখ জীবগণই জড়জগতে প্রবিষ্ট। নিত্যযুক্ত জীবসকল কৃষ্ণসামুখ্যবলে প্রপঞ্চ প্রবেশ করেন নাই, চিৎজগতে অবস্থিত। মায়াশক্তি কৃষ্ণের অপাশ্রয়া শক্তি। যেমন সূর্য্য হইতে অন্ধকার অতিদূরে লুক্কায়িত থাকে, তদ্রূপ কৃষ্ণ হইতে অতিদূরবর্তিণী মায়া চিন্মণ্ডলের বহির্ভাগে অপকৃষ্ট আশ্রয় লাভ করিয়াছেন। সেই মায়িক বিশ্বের জড়বিচিত্রতাগুণে কৃষ্ণ বহির্মুখ জীব আকৃষ্ট হইয়া মায়া কর্তৃক সম্মোহিত হইয়াছেন। বস্তুতঃ জীব গুণাতীত। মোহিত হইয়া গুণ স্বীকার করত গুণত্রয়ের অনর্থ ভোগাভিমান করিতেছেন। বহির্মুখতা। এই যে, চিংকণস্বরূপ জীব চিন্মণ্ডলের প্রতি দৃষ্টি রাখিলে বহির্মুখতা হইত না। চিন্মণ্ডল হইতে দৃষ্টিকে জড়মণ্ডলের প্রতি চালিত করায় সূতরাং কৃষ্ণবহির্মুখতা ঘটয়াছে ॥ ১২ ॥

দেশকালাদিকং সর্বং মায়ায়া বিকৃতং সদা।

মায়াতীতস্ত বিশ্বস্ত সর্বং তচ্চিৎস্বরূপকম্ ॥১৩৥

মায়াতীত চিৎস্বরূপং ও মায়াকৃত জড়স্বরূপং—এই দুইয়ের পরস্পর সম্বন্ধ কি? এই পূর্বেক্ষণের উত্তরে বলিতেছেন যে, প্রাথমিক রূপে যে দেশ কালাদি আছে, তাহা বিকৃত। মায়াতীত চিৎস্বরূপে যে দেশকালাদি আছে, তাহা চিৎস্বরূপ অতএব শুদ্ধ। বিকৃত দেশে দূরতঃসম্বন্ধকর্তৃক নিত বহুবিধ সুখপ্রতিবন্ধক হয়ত দেখা যায়। প্রাথমিক কাণে ভূত, ভবিষ্যৎ, বর্তমান—এইরূপ বিভাগের দ্বারা অনেক প্রকার অভাব ও ছুঃখ উৎপন্ন হইয়াছে। প্রাথমিক বিশ্বের জব্যাসমূহ তরুণ নানাপ্রকার হয়ত পরিপূর্ণ। অতএব প্রাথমিক রূপে সমস্তই হয়। চিৎস্বরূপের দেশ-কাল-জব্য সমস্তই চিন্নয়, সমস্তই উপাদেয়, সমস্তই প্রেমলাভের উপযোগী। তথায় জড়গন্ধমাত্র নাই। ছান্দোগ্যোপনিষদের অষ্টমপ্রপাঠক এই কথাটী সুন্দররূপে বুঝাইয়া দিয়াছেন,—“হরিঃ ও অথ যদিদমস্মিন্ ব্রহ্মপুরে দহরং পুণ্ডরীকং বেষ্ম দহরোহস্মি-ন্নস্তরাকাশস্মিন্ যদন্তদেষ্টব্যং তদ্বাববিক্জিঙ্গাসিতব্যমিতি। তৎকেন্দ্রস্বর্গদিদমস্মিন্ ব্রহ্মপুরে দহরং পুণ্ডরীকং বেষ্ম দহরোহস্মিন্ স্তরাকাশঃ কিস্তদত্র বিত্ততে যদেষ্টব্যং যদ্বাব-বিক্জিঙ্গাসিতব্যমিতি স ক্রয়াৎ। যাবান্ বা অয়ং আকাশ-স্তাবানেবোহন্তহৃদয় আকাশ উভে অস্মিন্ জাবা পৃথিবী অন্তরেব সমাহিতে উভাবগ্নিশ্চ বায়ুশ্চ স্বর্ঘ্যচন্দ্রমসাবুভৌ

বিহারক্ষত্রানি যচ্চাত্তেহাস্তি যচ্চ নাস্তি সর্বং তদস্মিন্ সমাহিতমিতি। তৎকেন্দ্রস্বর্গদিদং ব্রহ্মপুরে সর্বং সমাহিতং সর্বাণি চ ভূতানি সর্বে চ কামা যদৈনচ্ছরা-মাপ্রোতি প্রধ্বংসতে বা কিং ততোহতিশিখ্যত ইতি। স ক্রয়াশ্চ জরয়ৈতচ্ছীঘ্রতিন বধেনাশ্চ হন্তত এতৎ সত্যং ব্রহ্মপুরমস্মিন্ কামাঃ সমাহিতা এষ আশ্রায়পহতপাপ্যা বিকরো বিমৃত্যুর্কিশোকো বিজ্জিঘৎসোহপিপাসঃ সত্যকামঃ সত্যসঙ্কল্পো যথা হেবেহ প্রজ্ঞা অস্বাভিশ্চি যথাহনুশাসনং যৎ যমস্তমভিকামা ভবন্তি যৎ জনপদং যৎ ক্ষেত্রভাগং তং তমেবোপজীবন্তি। তদ্ব্যপেহ কর্মজিগতো লোকঃ ক্ষীয়ত এবমেবামৃত পুণ্যজিগতো লোকঃ ক্ষীয়তে। তদ্ব্য ইহাস্মান-মননুবিভ্র ব্রহ্মস্তুতাংশ্চ সত্যান্ কামাংস্তেবাং সর্বেষু লোকেষু কামচারো ভবতি। স যদি পিতৃলোককামো ভবতি সঙ্কল্পাদেবাস্ত পিতরঃ সমুত্তিষ্ঠন্তি তেন পিতৃলোকেন সম্পন্নো মহীয়তে। অথ যদি মাতৃলোককামো ভবতি সঙ্কল্পাদেবাস্ত মাতরঃ সমুত্তিষ্ঠন্তি, তেন মাতৃলোকেন সম্পন্নো মহীয়তে। অথ যদি ভ্রাতৃলোককামো ভবতি সঙ্কল্পাদেবাস্ত ভ্রাতরঃ সমুত্তিষ্ঠন্তি, তেন ভ্রাতৃলোকেন সম্পন্নো মহীয়তে। অথ যদি স্বশ্বলোককামো ভবতি সঙ্কল্পাদেবাস্ত স্বশ্বারঃ সমুত্তিষ্ঠন্তি তেন স্বশ্বলোকেন সম্পন্নো মহীয়তে। অথ যদি সখিলোককামো ভবতি, সঙ্কল্পাদেবাস্ত সখারঃ সমুত্তিষ্ঠন্তি, তেন সখিলোকেন সম্পন্নো মহীয়তে। অথ যদি গন্ধযালা-

লোককামো ভবতি, সঙ্কল্পাদেবাস্ত গন্ধমাণ্যো সমুত্তিষ্ঠতস্তেন
 গন্ধমাণ্যলোকেন সম্পন্নো মহীয়তে। অথ যদি অন্নপান-
 লোককামো ভবতি, সঙ্কল্পাদেবাস্তান্নপানে সমুত্তিষ্ঠতস্তেনান্ন-
 পানলোকেন সম্পন্নো মহীয়তে। অথ যদি গীতবাদিত্র-
 লোককামো ভবতি, সঙ্কল্পাদেবাস্ত গীতবাদিত্রে সমুত্তিষ্ঠতস্তেন
 গীতবাদিত্রলোকেন সম্পন্নো মহীয়তে। অথ যদি স্ত্রীলোক-
 কামো ভবতি, সঙ্কল্পাদেবাস্ত স্ত্রিয়ঃ সমুত্তিষ্ঠতি তেন
 স্ত্রীলোকেন সম্পন্নো মহীয়তে। যং যমস্তমতিকামো ভবতি,
 যং কামং কাময়তে, সোহস্ত সঙ্কল্পাদেব সমুত্তিষ্ঠতি তেন সম্পন্নো
 মহীয়তে। ত ইমে সত্য্যঃ কাম্য অন্তাপিধানাস্তেষাং
 সত্য্যানাং সতামমৃতমপিধানং, যো যো হস্তেতঃ প্রৈতি ন
 তমিহ দর্শনায় লভতে। অথ যে চাশ্বেহ জীবা যে চ প্রেতা
 যচ্চার্যাদিচ্ছন্ন লভতে সর্বাঃ তদত্র গতা বিন্দতেহত্র হস্তেতে
 সত্য্যঃ কাম্য অন্তাপিধানাস্তদ্যথাপি হিরণ্যানিধিং নিহিত-
 মক্ষেত্রজা উপর্যাপরি সঙ্করন্তো ন বিন্দেয়ুরেবমেবেমাঃ সর্বাঃ
 প্রজাঃ অহরহর্গচ্ছন্ত্য এতং ব্রহ্মলোকং ন বিন্দন্ত্যনুতেন হি
 প্রত্যাচাঃ। স বা এষ আত্মা হৃদি তশ্চৈতদেব নিরুক্তং
 হৃদয়মিতি তস্মাদ্ভূতমহরহর্কা এবংবিৎ স্বর্গং লোকমেতি।
 অথ য এষ সম্প্রদ্যাদোহস্মাচ্ছরীরাং সমুখায় পরং জ্যোতিরূপ-
 সম্পত্ত্ব স্বেনরূপেণাভিনিপ্পত্ত্ব এষ আয়্নেতি হো বা
 চৈতদমৃতমভয়মেতদ্রুচ্যেতি তস্ত হ বা এতস্ত ব্রহ্মণো নাম
 সত্যমিতি। তানি হ বা এতানি ত্রীণ্যক্ষরাণি সত্যমিতি,

তদ্যৎ সত্তদমৃতমথ যদি তস্মর্জ্যামথ যং তেনোভে যচ্ছতি
 যদনেনোভে যচ্ছতি তস্মাদ্ভূতমহরহর্কা এবংবিৎ স্বর্গং
 লোকমেতি। অথ য আত্মা স সেতুর্বিধুতিরেষাং লোকানা-
 মনস্তেদায় নৈতং সেতুমহোরাত্রে তরতো ন জরা ন মৃত্যুর্ন
 শোকো ন স্কৃতং ন হৃকৃতং সর্পে পাপ্যানোহতো নিবর্ত্তে-
 হপহতপাপ্যা হেষ ব্রহ্মলোকঃ। তস্মাদ্বা এতৎ সেতুং তীর্থাহরুঃ
 সন্নন্দো ভবতি বিকঃ সন্নবিকো ভবতু্যপতাপী সন্নহুপতাপী
 ভবতি তস্মাদ্বা এতৎ সেতুং তীর্থাপি নক্রমহরেবাভি-
 নিপ্পত্ত্বতে সক্রুভিতাতো হেইবৈষ ব্রহ্মলোকঃ।”

চিচ্ছক্লেঃ পরতত্ত্বস্ত স্বভাবপ্রিবিধঃ স্মৃতঃ।

স্বস্বভাবস্তথা জীব-স্বভাবো মায়িকস্তথা ॥ ১৪ ॥

পরতত্ত্বস্বরূপ ভগবানের চিচ্ছক্লির তিন প্রকার স্বভাব
 অর্থাৎ স্ব-স্বভাব (চিংস্বভাব), জীবস্বভাব ও মায়াস্বভাব।
 চিংস্বভাবে অনন্ত বিচিত্রতা আছে। মায়াবাদিগণ চিং-
 স্বভাবের বিচিত্রতা স্বীকার করেন না। তাঁহারা বলেন,
 বিচিত্রতা—মায়ার স্বভাব। মায়িক স্বভাব ত্যাগ করিয়া
 চিংস্বভাব-প্রাপ্তিমাতেই বিচিত্রতা দূর হয়। জীব গেই
 স্বভাবে স্থিত হইলে তাহাতে বিচিত্রতার অভাবে তিনি
 এক্ষে দীন হন। মায়াবাদীর এই যুক্তির ভিত্তিমূল
 কোথায়? উত্তর—মতবাদে। কোন্ শাস্ত্র বা কোন্ যুক্তি
 হইতে মায়াবাদী এরূপ সিদ্ধান্ত করেন, বলা যায় না।

পূর্বোক্ত ছান্দোগ্যোপদিষ্ট চিহ্নচিত্রতা আলোচনা করিলে দেখা যায়, চিঞ্জগতে ভগবৎস্বরূপ, জীবগণের স্বরূপ, স্থান, চন্দ্রস্বৰ্ঘ্যাদি, আলোক, নদ, নদী প্রভৃতি সকলই উপাদেয়-রূপে সুন্দর সমাহিত আছে। এই রসবৈচিত্র্যই চিৎ-স্বভাব। জীবস্বভাব—তটস্থ, মায়া ও চিৎএর মধ্যবর্তী সন্ধিস্থিত। মায়ার বশযোগ্যতা এবং চিচ্ছক্তির বশযোগ্যতা জীবস্বভাবে আছে। মায়িকস্বভাব—চিৎস্বভাবের বিকৃতি ; তাহা বহির্স্থ জীবের স্থূল ও লিঙ্গ শরীর উৎপাদন করে।

তিষ্ঠন্নপি জড়াধারে চিৎস্বভাবপরায়ণঃ ।

বর্ততে যো মহাভাগঃ স্বস্বভাবপরো হি সঃ ॥১৫॥

ইতি শ্রীসচ্চিদানন্দানুভূতৌ চিদনুশীলনং
নাম দ্বিতীয়োহনুভবঃ ॥

যে মহাভাগ জীব মায়ার জড়াধারে অবস্থিত হইয়াও চিৎস্বভাবপরায়ণ হন, তিনি স্ব-স্বভাবপরায়ণ। অতএব মায়াত্যাগের অধিকারী।

ইতি শ্রীসচ্চিদানন্দানুভূতি-গ্রন্থে চিদনুশীলন-
নামক দ্বিতীয় অনুভব ।